

四庫全書

子部

欽定四庫全書

子部

普濟方卷一百二十七

詳校官太醫院使臣張肇基

編修臣倉聖脈覆勘

總校官庶吉士臣倉聖脈

校對官中書臣王鍾泰

謄錄監生臣張鱗

欽定四庫全書

普濟方卷一百二十七

明

周王朱橚

撰

傷寒門

辨太陽病脉證并治法上第五

太陽之為病脉浮頭項強痛而惡寒

經曰尺寸俱浮太陽為陽主表脉浮

頭痛惡寒者太陽表病也

太陽病發熱汗出惡風脉緩者名為中風

風陽也寒陰也風則傷衛發熱汗出惡風者衛中風也榮病發熱無汗不惡風而惡寒衛病則發熱汗出不惡寒而惡風也以衛為陽衛外者也病則不能衛固其外而皮腠疎故汗出而惡風也傷寒脉緊傷風脉緩者寒

性勁急而風性解緩故也

太陽病或已發熱或未發熱必惡寒體痛

嘔逆脉陰陽俱緊者名曰傷寒

經曰凡傷於寒則為病熱謂寒氣客於經中陽

氣怫鬱而成熱也中風即發熱者風為陽邪及傷寒或已發熱未發熱者以寒為陰邪不能即熱鬱而方變熱也風則傷衛寒則傷榮虛者惡風榮虛者惡寒寒傷榮者必惡寒也氣病者則麻血病者則痛風令氣緩寒令氣逆體痛嘔逆者榮中寒也經曰脉盛傷寒一日太身寒得之傷寒陰陽俱緊者知其傷寒也

傷寒一日太

陽受之脉若靜者為不傳頗欲吐若躁煩脉數急者為

傳也

太陽主表一日則太陽受邪至二日當傳陽明若脉氣微為不傳陽明胃經受邪則善吐寒邪傳裏

者則變熱如頗欲吐若躁煩脉急數者為太陽寒邪之變熱傳於陽明也傷寒二三日陽明

少陽證不見者為不傳也

傷寒二三日無陽明少陽證知邪不傳止在太陽經中也

太陽病發熱而渴不惡寒者為溫病

發熱而渴不惡寒者陽明也此太陽

受邪知為溫病非傷寒也積溫成熟所以發熱而渴不惡寒也

若發汗已身灼熱者名

曰風溫風溫為病脉陰陽俱浮自汗出身重多眠睡鼻

息必鼽語言難出若被下者小便不利直視失溲若被

火者微發黃色劇如驚癇時瘕瘕若火熏之一逆尚引

日再逆促命期

傷寒發汗已則身涼若發汗已身灼熱者非傷寒為風溫也風邪傷上而陽受

風氣與溫相合則傷衛脉陰陽俱浮自汗出者衛受邪也衛者氣也風則傷衛溫則傷氣身重多眠睡者衛氣

受風溫而氣傷也鼻息必齟語言難出者風溫外盛而氣攤不利也若被下者則傷藏氣太陽膀胱經也內經曰膀胱不利不為約為遺溺痿者小便不利也太陽之脉起目內眥內經曰腫子高者太陽不足戴眼者太陽以絕小便不利直視失溲為下竭津液藏氣欲絕也為難治若被火者則風溫挾火之熱微者熱瘥而發黃劇者熱勝生風如驚癇而時痰癎也先曾被火為一逆若更以火熏之為再逆也一逆猶尚延引時日而不愈其再逆者必致命危

始故云促命期

病有發熱惡寒者發於陽也無熱惡寒

者發於陰也發於陽者七日愈發於陰者六日愈以陽

數七陰數六故也

陽為熱也陰為寒也發熱而惡寒寒傷陽也無熱而惡寒寒傷陰也陽法

火陰法水火成數七水成數六陽病七日愈者火數足也陰病六日愈者水數足也

太陽病頭痛

至七日已上自愈者以行其經盡故也若欲作再經者

鍼足陽明使經不傳則愈

傷寒自一日至六日傳三陰三陽經盡至七日當愈經曰

七日太陽病衰頭痛少愈若七日不愈則太陽之邪再傳陽明針足陽明為逆而奪之使經不傳則愈太

陽病欲解時從巳至未上

巳為正陽則陽氣得復也始於太陽終厥陰各以三時為

解而太陽從巳至未陽明從申至戌少陽從寅至辰至太陰從亥至丑少陰從子至寅厥陰從丑至卯者以陽行也速陰行也緩陽主晝陰主夜陽三經從寅至戌以陽道常饒也陰三經解時從亥至卯以陰道常乏也內經曰陽中之太陽通于夏氣則於午未太陽乘旺也風家解表而不了了者十二

日愈

中風家發汗解後未全快暢者至十二日大邪皆去六經悉和則愈

病人身熱反欲

得近衣者熱在皮膚寒在骨髓也身大寒反不欲近衣

寒在皮膚熱在骨髓也

皮膚言淺骨髓言深
皮膚言外骨髓言內

陽脉浮者

熱自發陰脉弱者汗自出嗇嗇惡寒淅淅惡風翕翕發

熱鼻鳴乾嘔者桂枝湯主之

陽以候衛陰以候榮陽脉
浮者衛中風也陰脉弱者

榮氣弱也風并于衛則衛實而榮虛故發熱而汗自出
也經曰太陽病發熱汗出者此為榮弱衛強者是也嗇

嗇惡寒之貌也淅淅洒洒也惡風之貌衛虛則惡風榮
虛則惡寒榮弱衛強惡寒復惡風者以自汗出則皮毛

緩腠理疎是以惡風也翕者煖煖然而熱言熱在表也
鼻鳴乾嘔者風攤而氣逆也與桂枝湯和榮衛而散風

也邪

桂枝湯方

桂枝

三兩去皮
味辛熱

白芍

三兩味苦
酸微寒

甘草

三兩炙
味甘平

生薑

三兩切
味辛溫

大棗

十二枚擘
味甘溫

內經曰辛甘發散為陽桂枝辛甘之劑也所以發散風邪內經曰風淫所勝平以辛溫佐以苦甘以甘緩之以酸收之是以桂枝為主芍藥為佐也又曰風淫於內以甘緩之以辛散之是以生薑大棗為使也

右五味㕮咀以水七升微火煮取三升去滓適寒溫服一升服已須臾飲熱稀粥一升餘以助藥力溫覆

一時許令遍身熱熱微似有汗者佳不可令大汗如
水流漓病必不除若一服汗出病差停後服不必盡
劑若不汗更服依前法又不汗小促役其間半日許
令三服盡若病重者一日一夜服周時觀之服一劑
盡病症猶在者更作服若汗不出者乃服至二三劑
禁生冷粘滑肉麵五辛酒酪臭惡等物

太陽病頭痛發熱汗出惡風者桂枝湯主之

頭痛者太陽也發熱

汗出惡風者中風也與桂枝湯解散風邪

太陽病項背強几几反汗出惡風

桂枝加葛根湯主之

凡凡者伸頸之貌也動則伸頸搖身而行項背强者動則如之項背

凡凡者當無汗反汗出惡風者中風表虛也與桂枝湯以和表加麻黃主表實後葛根湯症云太陽病項背強凡凡無汗惡風葛根湯主之藥味正與此方同其無汗者當用麻黃今曰汗出惡風不加麻黃但加葛根也

陽病下之後其氣上衝者可與桂枝湯方用前法若不

上衝者不可與之

太陽病屬表而反下之則虛其裏邪欲乘虛入裏若氣上衝者裏不受邪

而氣逆上與邪爭也爭則邪仍在表故當復與桂枝湯解外其氣不上衝者裏虛不能與邪爭邪氣已傳裏也故不可更與太陽病三日已發汗若吐若下若溫針仍桂枝湯攻表

不解者此為壞病桂枝不中與也觀其脉證知犯何逆

隨證治之

太陽病三日中曾經汗吐下溫針虛其正氣病仍不解者謂之壞病言病為醫所壞不可

復與桂枝湯當審觀脈證知犯何逆而治之逆者隨所逆而救之

桂枝本為解肌若其

人脈浮緊發熱汗不出者不可與也常須識此勿令誤

也

脈浮發熱汗出惡風者中風也可與桂枝湯解肌脈浮緊發熱不汗出者傷寒也可與麻黃湯常須識此

勿妄治也

若酒客病不可與桂枝湯與則嘔以酒客不喜甘

故也

酒客內熱喜辛而惡甘桂枝湯酒客得之則中滿而嘔

喘家作桂枝湯加厚

朴杏仁佳

太陽病為諸陽生氣中風其氣擁則生喘凡也與桂枝湯以散風加厚朴杏仁以降氣凡

服桂枝湯吐者其後必吐膿血也

內熱者與桂枝湯則吐如酒客之類也既

亡津液又為熱所搏後必吐膿血吐膿血者謂之肺痿
金匱要畧曰熱在上焦為肺痿謂或從汗或從嘔吐得
之重亡津液故也 太陽病發汗遂漏不止其人惡風小便難四

肢微急難以屈伸者桂枝加附子湯主之 太陽病因發

止而惡風者為陽氣不足因發汗陽氣益虛而皮腠不
固也內經曰膀胱者川都之官津液藏焉氣化斯出小
便難者汗出亡津液陽氣虛弱不能施化四肢者諸陽
之本也四肢微急難以屈伸者亡陽而脫液也鍼經曰
液脫者骨屬屈伸不利與桂枝加附子湯以溫經復陽 太陽病下之後脉促胸滿

者桂枝去芍藥湯主之若微惡寒者去芍藥方中加附

子湯主之 脉來數時一止復來曰促促為陽盛則不因
下後而脉促者也此下後脉促不得為陽盛

也太陽病下之其脉促不結胸者此為欲解此下後脉促而復胸滿則不得為欲解由下後陽虛表邪漸入而客於胸中也與桂枝湯以散客邪通行陽氣芍藥益陰陽虛者非所宜故去之陽氣已虛若更加之微寒則伏當溫以散之故加附子

太陽病得之八九日如瘧狀發熱惡寒熱

多寒少其人不嘔清便欲自可一日二三度發脉微緩

者為欲愈也脉微而惡寒者此陰陽俱虛不可更發汗

更下更吐也面色反有熱色者未欲解也以其不能得

小汗出身必痒宜桂枝麻黃各半湯

傷寒八九日則邪傳再經又遍三陽

欲傳三陰之時也傳經次第則三日傳遍三陽至四日陽去陰入不入陰者為欲解其傳陰經第六日傳遍三

陰為傳經盡而當解其不解傳為再經者至九日又遍
三陽陽不傳陰則解如瘧發作有時也寒多者為病進
熱多者為病退經曰厥少熱多其病為愈寒多熱少陽
氣退故為病進也今雖發熱惡寒而熱多寒少為陽氣
進而邪氣退也裏不和則嘔今不嘔清便自調者裏和
也寒熱間日發者邪氣深也日一發者邪氣復當出也
日再發者邪氣淺也日二三發者邪氣微也內經曰大
則邪至少則脉微今日數多而脉微緩者是邪氣微緩
也故云欲愈脉微而惡寒者表裏俱虛也陽表也陰裏
也脉微為裏虛惡寒為表虛以表裏俱虛故不可更發
汗更下更吐也陰陽俱虛則面色青白反有赤色者表
未解也熱色赤色也得小汗則和不得汗則邪氣外散
皮膚而為痒也與桂枝麻黃各半湯小發其汗以除表邪
太陽病初服桂枝湯反煩
不解者先刺風池風府却與桂枝湯則愈

煩者熱也服
桂枝湯當汗

出而身涼和若反煩不解者風甚而未能散也先刺風池風府以通太陽之經而除風氣却與桂枝湯解散則愈服桂枝湯大汗出脉洪大者與桂枝湯如前法若形

如瘧日再發者汗出必解宜桂枝二麻黃一湯

經曰如服一劑

病證猶在者故當復作本湯服之服桂枝湯汗出後脉洪大者病猶在也若形如瘧日再發者邪氣客於榮衛之間也與桂枝二麻黃一湯解散榮衛之邪服桂枝湯大汗出後大煩渴不

解脉洪大者白虎加人參湯主之

大汗出脉洪大而不解邪氣猶在表也可

更與桂枝湯若大汗出脉洪大而煩渴不解者表裏有熱不可更與桂枝湯當以白虎加人參湯生津止渴和

表散

病發熱惡寒熱多寒少脉微弱者此無陽也不可

發汗宜桂枝二越婢一湯

桂枝二越婢一湯方

桂枝

去皮

芍藥

甘草

各十銖

生薑

一兩三錢切

大棗

四枚擘

麻黃

十八銖去節

石膏

二十四銖碎綿裹

胃為十二經之主脾治水穀為卑藏若脾內經曰脾主為胃行其津液若湯所謂越婢者以發越脾氣通行津液外臺方一名越脾湯即此義也

右七味㕮咀以五升水煮麻黃去上沫內諸藥煮取二升去查溫服一升本云當裁為越婢湯桂枝湯合

飲一升今合為一方桂枝二越婢一

服桂枝湯或下之仍頭項強痛翕翕發熱無汗心下滿

微痛小便不利者桂枝去桂加茯苓白朮湯主之

頭項強痛

翕翕發熱雖經汗下為邪氣仍在表也心下滿微痛小便不利者則欲成結胸今外證未罷無汗小便不利則心下滿微痛為停飲也與桂枝以解外

傷寒脉浮自汗

出小便數心煩微惡寒脚攣急反與桂枝湯欲攻其表此誤也得之便厥咽中乾煩躁吐逆者作甘草乾薑湯與之以復其陽若厥愈足溫者更作芍藥甘草湯與之

其脚即伸若胃氣不和譫語者少與調胃承氣湯若重

發汗加燒針者四逆湯主之

脉浮自汗出小便數而惡寒者陽氣不足也心煩脚

攣急者陰氣不足也陰陽血氣俱虛則不可發汗若與桂枝湯攻表則又損陽氣故為誤也得之便厥咽中乾煩躁吐逆者先作甘草乾薑湯以復其陽氣得厥愈足溫乃與芍藥甘草湯益其陰血則脚脛得伸陰陽雖復其有胃燥譫語少與調胃承氣微瀉以和其胃若重發汗為亡陽加燒針則損陰也經曰榮氣微者加燒針則血不行重發汗復燒針是陰陽之氣大虛四逆湯以復陰陽之氣

甘草乾薑湯方

甘草

四兩炙

乾薑

一兩炮
味甘溫
味辛熱

內經曰辛甘發散為陽甘
草乾薑相合以復陽氣

右呔咀以水三升煮取一升五合去滓分溫再服

芍藥甘草湯方

白芍藥

四兩味苦酸微寒

甘草

四兩炙甘平

芍藥白補而赤瀉白收而赤散也酸以收之甘以緩之酸甘相合用補陰血

右二味呔咀以水三升煮取一升半去滓分溫再服

調胃承氣湯方

大黃

四兩去皮清酒浸

甘草

二兩炙

芒硝

半觔味鹹苦大寒

內經曰熱淫於內治以鹹寒佐以苦甘芒硝鹹寒
以除熱大黃苦寒以蕩熱甘草甘平助二物推陳
而緩中
益氣

右三味㕮咀以水三升煮取一升去滓內芒硝更上
微火令沸少少溫服

四逆湯方

甘草

二兩炙

乾薑

一兩半

附子

一枚生用去皮破八片辛大熱

內經曰寒淫於內治以甘熱又以寒淫所勝平以
辛熱甘草薑附相合為甘辛大熱之劑乃可發散
陰陽
之氣

右三味㕮咀以水三升煮取一升二合去滓分溫再服強人可加乾薑三兩

問曰證象陽旦按法治之而增劇厥逆咽中乾兩脛拘急而譫語師曰言夜半手足當溫兩脚當伸後如師言何以知此答曰寸口脉浮而大浮則為風大則為虛風則生微熱虛則兩脛攣病證象桂枝因加附子參其間增桂令汗出附子溫經回陽故也厥逆咽中乾煩躁陽明內結譫語煩亂更與甘草乾薑湯夜半陽氣不足兩

脛當熱尚微拘急重與芍藥甘草湯尔乃脛伸以承氣

湯微澹則止其讖語故知病可愈

陽旦桂枝湯別名也前症脉微自汗出小

便數心煩微惡寒脚掣急讖語桂枝湯證相似是證象陽旦也與桂枝湯而增劇得寸口脉浮大浮為風邪大為血虛即於桂枝湯加附子溫經以補虛桂令汗出以祛風其有治之逆而增厥者與甘草乾薑湯陽復而足溫更與芍藥甘草湯陰和而脛伸表邪已解陰陽已復而有陽明內結讖語煩亂少與調胃承氣微澹泄以和其胃則陰陽之氣皆和內外之邪悉去故病可愈

辨太陽病脉證并治中第六

太陽病項背強几几無汗葛根湯主之

太陽病項背几几汗出惡風者

中風表虛也項背強几几無汗惡風者中風表實也表虛宜解肌表實宜發汗是以葛根湯發之也

葛根湯方

葛根

四兩

麻黃

三兩

桂枝

三兩

芍藥

二兩

甘草

二兩

生薑

三兩

大棗

十二枚

本草云輕可去實麻黃葛根之屬是也此以中風表實故加二物於桂枝湯中也

右七味㕮咀以水一斗先煮麻黃葛根減二升去沫

內諸藥取煮三升去滓溫服一升覆取微似汗不須

啜粥餘如桂枝法將息及禁忌

太陽與陽明合病者必自下利葛根湯主之

傷寒有合病有併病

本太陽病不解併於陽明者謂之併病二經俱受邪為合病謂之合病者邪氣甚也太陽陽明合病者與太陽少陽合病陽明少陽合病皆陽也必自下利者以邪氣併於陰則陰實而陽虛邪氣併於陽則陽實而陰虛寒邪氣甚客於二陽二陽方外實而不主裏則裏氣虛故必下利與葛根湯以散經中之甚邪也太陽與

陽明合病不下利但嘔者葛根湯加半夏主之

邪氣外甚陽不

主裏裏氣不和氣下而不上者但下利而不嘔裏氣上逆而不下者但嘔而不下利與葛根湯以散其邪加半夏以下逆氣而一以貫之矣

葛根加半夏湯方

葛根

四兩 麻黃

三兩去節湯泡
去黃汁焙乾稱

生薑

三兩切

甘草

二兩炙

芍藥

二兩 桂枝

二兩去皮

大棗

十二枚擘

半夏

半觔洗

右八味以水一斗先煮葛根麻黃減二升去白沫內

諸藥煮取三升去滓溫服一升覆取微似汗

太陽病桂枝證醫反下之利遂不止脈促者表未解也

喘而汗出者葛根黃連黃芩湯主之

經曰不宜下而便
攻之內虛熱入協

熱遂利桂枝證者邪在表也而反下之虛其腸胃為熱
所乘遂利不止邪在表則見陽脈邪在裏則見陰脈下
利脈微遲邪在裏也促為陽盛雖下利而脈促者知表
未解也病有未汗出而喘者有自汗出而喘者皆邪氣

外甚所致喘而汗出者謂急喘而汗出也即裏熱氣逆所致與葛根黃連黃芩湯散表邪去裏熱而已

葛根黃連黃芩湯方

葛根

半兩

甘草

二兩炙

黃芩

二兩味苦寒

黃連

三兩味大苦寒

內經曰辛甘發散為陽表未解者散以葛根之辛甘草之甘以緩裏氣黃連黃芩之苦以清裏熱以堅裏氣

右四味以水八升先煮葛根減二升內諸藥煮取二升去滓分溫再服

太陽病頭痛發熱身疼腰痛骨節疼痛惡風無汗而

喘者麻黃湯主之

此太陽傷寒證也寒則傷榮頭痛身疼腰痛以至牽連骨節疼痛者

太陽經榮血不利也內經曰風寒客於人使人毫毛畢直皮膚閉而為熱者寒在表也風并於衛衛實而榮虛者自汗出而惡風也寒并於榮榮實而衛虛者無汗而惡風也以榮強衛弱故氣逆而喘與麻黃湯以發其汗

麻黃湯方

麻黃

三兩去節
味甘溫

桂枝

二兩去皮
味辛熱

甘草

一兩炙
味甘平

杏仁

七十个湯泡去
皮尖味辛溫

內經曰寒淫於內治以甘熱佐以苦辛麻黃甘草開肌發汗桂枝杏仁散寒下氣

右四味以水九升先煮麻黃減二升去上沫內諸藥
煮取二升半去滓溫服八合覆取微似汗不須啜粥
餘如桂枝法將息

太陽與陽明合病喘而胸滿者不可下宜麻黃湯主之

陽受氣于胸中喘而胸滿者陽氣不宣發壅而逆也心
下滿胸滿皆為實當下之此以為胸滿非裏實故不可
下雖有陽明然與太陽合病為屬表宜與麻黃發汗

太陽病十日已上脉浮細而

嗜卧者外已解也設胸滿脇痛者與小柴胡湯脉但浮

者與麻黃湯

十日已上向解之時也脉浮細而嗜卧者
表邪已罷也病雖已和解若脉但浮而不

細者則邪氣猶在表際也與桂枝麻黃發散之

太陽中風脉浮緊發熱惡寒身

疼痛不汗出而煩躁者大青龍湯主之若脉微弱汗出

惡風者不可服服之則厥逆筋惕肉瞤此為逆也

此中風見

寒脉也浮則為風風則傷衛緊則為寒寒則傷榮榮衛俱病故發熱惡寒身疼痛也風并於衛者為榮弱衛強寒并於榮者為榮強衛弱今風寒兩傷則榮衛俱實故不汗出而煩躁也與大青龍湯發汗以除榮衛風寒若脉微弱汗出惡風者為榮衛俱虛反服青龍湯則令陽虛故生厥逆筋惕肉瞤此治之逆也

大青龍湯方

麻黃

興兩去節味甘溫

桂枝

三兩去皮味辛熱

甘草

二兩炙味甘平

杏仁

四十粒去皮
尖味苦甘溫

生薑

三兩切
味辛溫

大棗

十二枚擘
味甘溫

石膏

如鷄

子大碎味
甘微寒

辛甘均為發散然風以辛散寒宜甘發辛甘相合
乃能發散榮衛之風寒麻黃甘草石膏杏仁以發
散榮中之寒桂枝薑
棗以解除衛中之風

右七味以水九升先煮麻黃減二升去上沫內諸藥
煮取三升去滓溫服一升取微似汗汗出多者溫粉
撲之一服汗出停後服

傷寒脉浮緩身不疼但重乍有輕時無少陰症者大青

龍湯發之

此傷寒見風脉者傷寒身疼此以風勝故身不疼中風者身重此以兼風故乍有輕時不

發厥吐利無少陰症者為風寒外甚傷寒表不解心下也與大青龍湯以發散表中之風寒

有水氣乾嘔發熱而欬或渴或利或噎或小便不利小

腹滿或喘者小青龍湯主之

傷寒表不解心下水飲則水寒相搏肺寒氣逆故

乾嘔發熱而欬鍼絛曰形寒飲冷則傷肺以其兩寒相感中外皆傷故氣逆上行此之謂也與小青龍湯發汗散水水氣內漬則所傳不一故有或為之症隨症增損以解化之

小青龍湯方

麻黃

三兩去節
味辛溫

芍藥

三兩味
酸微寒

乾薑

三兩味
辛熱

甘草

三兩

炙味

五味子

半升味酸溫

桂枝

三兩去皮辛熱

半夏

半升湯洗味辛

微溫

細辛

三兩味辛溫

寒邪在表非辛甘不能散之麻黃桂枝甘草之辛甘以發散表邪水傳心下而不行則腎氣燥內經曰腎苦燥急食辛以潤之乾薑細辛半夏之辛以行水氣而潤腎燥欬逆而喘則肺氣逆內經曰肺欲收急食酸以收之芍藥五味子之酸以收逆氣而安肺

右八味以水一斗先煮麻黃減二升去上沫內諸藥煮取三升去滓溫服一升

加減法

若微利去麻黃加茱萸花如鷄子大熬令赤色下利者不可攻其表汗出必脈滿麻黃發其

陽水漬入胃必作利。茺花下十二經水，水去則利止。若渴者，去半夏加栝蒌根三兩，酸甘而苦潤。半夏味辛而燥，津液非渴者所宜，故去之。栝蒌味苦而生津，故加之。○若噎者，去麻黃加附子一枚，炮經曰：水得寒氣，冷必相搏，其人即噎。加附子溫散水寒，病人有寒復發汗，胃中冷必吐去麻黃。惡發汗也。○若小便利，少腹滿，去麻黃加茯苓四兩，水畜下焦不行，為小便利，少腹滿，麻黃發津液於外，非所宜也。茯苓泄畜水於下，加所當也。○若喘者，去麻黃加杏仁半升，去皮尖，金匱要略曰：其人形腫，故不內麻黃。內杏仁以麻黃發其陽，故也。喘呼形腫，水氣標本之疾具矣。

傷寒心下有水，氣欬而喘，發熱不渴，服湯已渴者，此寒

去欲解也。小青龍湯主之。

欬而欲喘者，水寒射肺也。發熱不渴，表證未罷也。與小青

龍湯發表散水服已渴者裏氣溫水氣為欲解也

太陽病外證未解脉浮弱者

當以汗解宜桂枝湯

脉浮弱者榮弱衛強也

太陽病下之微喘者

表未解故也桂枝加厚朴杏仁湯主之

下後大喘則為裏氣大虛邪氣

傳裏正氣將脫也下後微喘則為裏氣上逆邪不能傳裏猶在表也與桂枝湯以解外加厚朴杏仁以降逆氣
大陽病外證未解者不可下也下之為逆欲解外者宜

桂枝湯主之

經曰本發汗而復下之為逆也若先發汗治不為逆

太陽病先發汗

不解而復下之脉浮者不愈浮為在外而反下之故令不愈今脉浮故知在外當須解外則愈宜桂枝湯主之

經曰柴胡湯證具而以他藥下之柴胡證仍在太陽病者復與柴胡湯此雖已下之不為逆則其類矣

脉浮緊無汗發熱身疼痛八九日不解者表證仍在此

當發其汗也服藥已微除其人發煩目瞑劇者必衄

乃解所以然者陽氣重故也麻黃湯主之

脉浮緊無汗發熱身疼痛

太陽傷寒也雖至八九日而表證仍在亦當發其汗既服溫經發散湯藥雖未作大汗亦微除也煩者身熱也邪氣不為汗解鬱而變熱蒸於經絡發于肌表故生熱煩肝受血而能視始者氣傷榮寒寒既變熱則血為熱搏肝氣不舒故目瞑也劇者熱甚於經迫血妄行而為衄得衄則熱隨血散而解陽氣重者熱氣重也與麻黃以解前太陽之寒邪也

太陽病脉浮緊發熱身無汗自衄者愈

風寒

在經不得汗解鬱而變熱血

二陽併病太陽初得病時

則熱隨血散故云自血者愈發其汗汗先出不徹因轉屬陽明續自微汗出不惡寒

若太陽病證未罷者不可下下之為逆如此可小發汗

設面色緣緣正赤者陽氣怫鬱在表當表之熏之若發

汗不徹不足陽氣怫鬱不得越當汗不汗其人躁煩不

知痛處乍在腹中乍在四肢按之不可得其人短氣但

坐以汗出不徹故也更發汗則愈何以知汗出不徹以

脉濡故知也

太陽病未解傳病併入陽明而太陽證未罷者名曰併病續自微汗出不惡寒者為

太陽證罷陽明症具也法當下之若太陽病未罷者為表未解則不可下當小發其汗先解表也陽明之經自面色緣緣正赤者陽氣怫鬱在表也當解之熏之以取其汗若發汗不徹者不足言陽氣怫鬱止是當汗不汗陽氣不得越散邪無從出擁甚於經故躁煩也邪循經行則痛無常處或在腹中或在四肢按之不可得而短氣但責以汗出不徹更發汗則愈內經曰諸過者切之濡者陰氣不足陽氣有餘為發熱無汗是以脉濡知陽氣擁鬱而汗出不徹也

脉浮數者法當汗出而愈若下之身重心

悸者不可發汗當自汗出乃解所以然者尺中脉微此

裏虛須裏氣實津液自和便自汗出愈

經曰諸脉浮數當發熱洒淅惡

寒言邪氣在表也是當汗出愈若下之身重心悸者損其津液虛其胃氣若身重心悸而尺脉實者則下後裏

虛邪氣乘虛入裏也今尺脉微身重心悸者知下後裏虛津液不足邪氣不傳裏但在表也然以津液不足則不可發汗須裏氣實津液足便自汗出而愈也脉浮緊者法當身疼痛宜以汗

解之假令尺中遲者不可發汗何以知之然以榮氣不

足血少故也

鍼經曰奪血者無汗尺脉遲者為榮血不足故不可發汗

脉浮者病在

表可發汗宜麻黃湯

浮為輕手得以候皮膚之氣內經曰其在皮毛者汗而發之脉

浮者病可發汗宜麻黃湯

浮則傷衛數則傷榮榮衛受邪為病在表故當汗散病

常自汗出者此為榮氣和榮氣和者外不諧以衛氣不

共榮氣和諧故尔以榮行脉中衛行脉外復發其汗榮

衛和則愈宜桂枝湯

風則傷衛寒則傷榮衛受風邪而榮不病者為榮氣和也衛既客邪

則不能與榮氣和諧亦不能衛護皮腠是以常自汗出與桂枝湯解風邪調和榮衛則愈也

病人藏

無他病時發熱自汗出而不愈者此衛氣不和也先其

時發汗則愈宜桂枝湯主之

藏無他病裏和也衛氣不和表病也外臺云裏和表

病汗之則愈所謂先其時者先其發熱汗出之時發汗則愈

傷寒脉浮緊不發汗因

致衄者麻黃湯主之

傷寒脉浮緊邪在表也當與麻黃湯發汗若不發汗則邪無從出擁

甚於經迫血妄行因致衄也

傷寒不大便六七日頭痛有熱者與承

氣湯其小便清者知不在裏仍在表也當須發汗若頭

痛必衄宜桂枝湯

不大便六七日頭痛有熱者故宜當下若小便清者知裏無熱則不可下

經曰小便數者大便必鞭不更衣十日無所苦也況此不大便六七日小便清者不可責邪在裏是仍在表也與桂枝湯以解外若頭痛不已為表邪不罷鬱熱甚于經迫血妄行至為衄也傷寒發汗解半

日許復煩脉浮數者可更發汗宜桂枝湯主之

煩者熱也發汗

身涼為已解至半日許身復熱脉浮數者邪不盡也可更發汗與桂枝湯

凡病若發汗若吐

若下若亡津液陰陽自和者必自愈

重亡津液則不能作汗必待陰陽自

和乃自愈矣

大下之後復發汗小便不利者亡津液故也勿

治之得小便利必自愈

因亡津液而小便不利者不可以藥利之後津液足小便利必

自愈也。下之後復發汗，必振寒，脈微細，所以然者，以內外

俱虛故也。

發汗則表虛而亡陽，下之則裏虛而亡血。振寒者，陽氣微也。脈微細者，陰血弱也。

下

之後復發汗，晝日煩躁不得眠，夜而安靜，而不嘔，不渴

無表證，脈沉微，身無大熱者，乾薑附子湯主之。

下之虛其裏汗

之虛其表，既下又汗，則表裏俱虛。陽主晝，陽欲復虛，不勝邪正，邪交爭，故晝日煩躁不得眠。夜主陰，陽虛不能與之爭，是以夜則安靜，不嘔，不渴者，裏無熱也。身無大熱者，表無熱也。既無裏症，又無表症，而脈沉微者，是陽氣大虛，陰寒氣甚，與乾薑附子湯退陰復陽。

乾薑附子湯方

乾薑

一兩味
辛熱

附子

一枚生用去皮
破八片味辛熱

內經曰寒淫所勝平以辛熱虛寒
大甚是以以辛熱之劑勝之也

右二味以水三升煮取一升去滓頓服

發汗後身疼痛脉沉遲者桂枝加芍藥生薑各一兩人

參三兩新加湯主之

汗後身疼痛邪氣未盡也脉沉遲
榮血不足也經曰其脉沉者榮氣

微也又曰遲者榮氣不足也血少故也與桂枝湯以
解未盡之表加芍藥生薑人參以益不足之榮血也發

汗後不可更行桂枝湯汗出喘無大熱者可與麻黃杏

仁甘草石膏湯主之

汗出而喘當作桂枝加厚朴杏仁
湯汗出而喘愈今發汗後而喘是

邪氣擁甚桂枝湯不能發散故不可更行桂枝湯汗出而喘有大熱者內熱氣盛也無大熱者表邪擁甚也與麻黃杏仁甘草石膏湯以散其邪

麻黃杏仁甘草石膏湯方

麻黃

四兩去節
味辛溫

杏仁

五十粒去皮
味甘溫

甘草

二兩炙
味甘平

石

膏

半觔碎綿
裹味甘平

內經曰肝苦急急食甘以緩之風氣通於肝風邪外甚故以純甘之劑發之

右四味以水九升先煮麻黃減二升去上沫內諸藥煮取二升去滓溫服一升本云黃耳杯

發汗過多其人叉手自冒心心下悸欲得按者桂枝甘

草湯主之

發汗過多亡陽也陽受氣于胸中陽氣不足故病人叉手自冒心心下悸欲得按者與桂

枝甘草湯以調不足之氣

桂枝甘草湯方

桂枝

四兩去皮味辛熱

甘草

二兩味甘平炎

桂枝之辛走肺而益氣甘草之甘入脾而緩中

右二味以水三升煮取一升去滓頓服

發汗後其人臍下悸者欲作奔豚茯苓桂枝甘草大棗

湯王之

汗者心之液發汗後臍下悸者心氣虛而腎氣發動也腎之積名曰奔豚發則從小腹上至心

下為腎氣逆欲上凌心今臍下悸為腎氣發動故云欲作奔豚與茯苓桂枝甘草大棗湯以降腎氣

茯苓桂枝甘草大棗湯

茯苓

半兩
味甘平

甘草

二兩
味甘平

桂枝

四兩
味辛熱

大棗

十五

枚
擘

茯苓以代腎邪桂枝能泄奔豚甘草大棗之甘滋助脾土以平腎水氣煎用甘瀾水者揚之無力取

不助腎邪也

右四味以甘瀾水一斗先煮茯苓減二升內諸藥煮

取三升去滓溫服一升日三服。作甘瀾水法取水二斗置大盆內以杓揚之水上有珠子五六千顆相逐取用之。

發汗後腹脹滿者厚朴生薑甘草半夏人參湯主之。

吐後

脹滿與下後腹脹滿皆為實言邪氣乘虛入裏為實發汗後外已解也復脹滿知非裏實由脾胃津液不足氣滯不通壅而為滿與此湯和脾胃而降氣

厚朴生薑甘草半夏人參湯方

厚朴

半觔去皮
炙味苦溫

生薑

半觔切
味辛溫

半夏

半升洗
味辛溫

人參

兩

味甘 甘草 三兩炙
味甘平

內經曰脾欲緩急食甘以緩之以苦泄之厚朴之苦以泄腹滿人參甘草之甘以益脾胃半夏生薑之辛以散滯氣而三服矣

右五味以水一斗煮取三升去滓溫服一升日三服
傷寒若吐若下後心下逆滿氣上衝胸起則頭眩脉沉
緊發汗則動經絡身為振搖者茯苓白朮桂枝甘草湯
主之 吐下後裏氣虛氣上逆者心下逆滿氣上衝胸表裏陽不足也起則頭眩脉浮緊為邪在表當發汗
脉沉緊為邪在裏則不可發汗發汗則外動經絡損傷陽氣陽氣外虛則不能主持諸脉身為振搖也而此湯

以和經
益陽

茯苓桂枝白朮甘草湯方

茯苓

四兩味
甘平

桂枝

三兩去皮
味辛熱

白朮

二兩味
苦甘溫

甘草

二兩

炙味
甘平

陽不足者補之以甘茯苓白朮生津液而益陽
也裏氣逆者散之以辛桂枝甘草行陽散氣

右四味以水六升煮取三升去滓溫服三

發汗病不解反惡寒者虛故也芍藥甘草附子湯主之

發汗病解則不惡寒發汗病不解表實者亦不惡寒今
發汗病且不解反惡寒者榮衛俱虛也汗出則榮虛惡

寒則衛虛而芍藥甘草附子湯以補榮衛

芍藥甘草附子湯方

芍藥

三兩味酸微寒

甘草

三兩炙味甘平

附子

一枚炮去皮破八片味辛熱

芍藥之酸收斂津液而益榮附子之辛溫固陽氣而補胃甘草之甘調和辛酸而安正氣

右三味以水五升煮取一升五合去滓分溫服。凝

非仲景意

發汗若下之病仍不解煩躁者茯苓四逆湯主之

發汗若下

病宜解也若病仍不解者則發汗外虛陽氣下之內虛陰氣陽陰俱虛邪獨不解故生煩躁與茯苓四逆湯以

復陰陽
之氣

茯苓四逆湯方

茯苓

六兩味甘平

人參

一兩味甘溫

附子

一枚生用去皮破八片味辛熱

甘

草

二兩炙味甘平

乾薑

一兩半味辛熱

四逆湯以補陽加茯苓人參以益陰

右五味以水五升煮取三升去滓分溫服七合日三

服

發汗後惡寒者虛故也不惡寒但熱者實也當和胃氣

與調胃承氣湯

汗出而惡寒者表寒也汗出而不惡寒但熱者裏實也經曰汗出不惡寒者表

解裏未和與調胃承氣湯以和胃氣

太陽病發汗後大汗出胃中乾煩躁

不得眠欲得飲水者少少與之令胃氣得和則愈若脉

浮小便不利微熱消渴者與五苓散主之

發汗已解胃中乾煩燥不

得眠欲飲水者少少與之胃氣得潤則愈若脉浮者表未解也飲水多而小便少者謂之消渴裏熱甚實也微熱消渴者熱未成實上焦燥也與五苓散生津液和表裏也

五苓散方

猪苓

十八銖味甘平

澤瀉

一兩六銖半味酸鹹

茯苓

十八銖味甘平

桂枝

半兩

去皮味
辛熱
白朮
十八銖
味甘平

淡者一也口入而為甘甘甚而反淡者甘緩而淡
滲猪苓白朮茯苓三味之甘潤虛燥而利津液味
下泄為陰澤瀉之鹹以泄伏水辛甘
發散為陽桂枝之辛甘以和肌表

右五味為末以白飲和服方寸匕日三服多飲煖水
汗出愈

發汗已脉浮數煩渴者五苓散主之

發汗已脉浮數者表邪未盡也煩渴亡

津液胃燥也與五苓散和表潤燥

傷寒汗出而渴者五苓散主之不渴

者茯苓甘草湯主之

傷寒汗出而渴者亡津液胃燥邪氣漸傳裏也五苓散以和表裏若

汗出不渴者邪氣不傳裏但在表而表虛也與茯苓甘草湯和表合衛

茯苓甘草湯方

茯苓

二兩味甘平

桂枝

二兩去皮味辛熱

生薑

三兩切味辛溫

甘草

一兩

炙味

甘平

茯苓甘草之甘益津而和衛桂枝生薑之辛助陽而解表

右四味以水四升煮取二升去滓分溫三服

中風發熱六七日不解而煩有表裏證渴欲飲水水入

則吐者名曰水逆五苓散主之

中風發熱至六七日則當解若不解煩者邪在

表也渴欲飲水邪傳裏也裏熱甚則能消水水入不吐裏熱少則不能消水水停則精不散飲而吐水也以其飲水而吐故名水逆而五苓散和表裏散停飲未持脉時病人又手冒心師因

教試令欬而不欬者此必兩耳聾無聞也所以然者以

重發汗虛故如此

發汗多而亡陽胸中陽氣不足病人又試令欬而不即欬者耳聾也則陽氣虛明矣

耳聾者陽氣虛精氣不足不得上通于耳故也發汗後

飲水多必喘以水灌之亦喘

飲水多而喘者飲冷傷肺也以水灌洗而喘者形寒

傷肺

發汗後藥不得入口為逆若更發汗必吐下不止

血弱氣盡腠理開邪氣因入與正氣相搏結於脇下邪

正分爭往來寒熱發作有時默默不欲飲食藏府相連

其痛必下邪高痛下故使嘔也小柴胡湯主之

人之氣血隨時

盛衰當月郭空之時則為血弱氣衰腠理開疎之時邪氣乘虛傷人則深鍼經月郭空則海水東盛人血氣虛衛氣去形獨居肌肉減皮膚緩腠理開毛髮殘脆薄垢落當更時遇賊風則其入深者是矣邪因正虛自表之裏而結於脇下與正分爭作往來寒熱默默不欲飲食此謂自外之內經絡與藏府相連也邪氣隨經必傳于裏故曰痛下作病邪在上焦為邪高邪漸入裏為痛下裏氣與邪氣相搏而上行故使嘔也與小柴胡湯以解半表半裏之邪
服柴胡湯已渴者屬陽明也以法治之

服小柴胡湯表

邪已而渴裏邪傳于陽明也以陽明治之
得病六七日脉遲浮弱惡風寒手

足溫醫二三下之不能食而脇下滿痛面目及身黃頸

項強小便難者與柴胡湯後必下重本渴而飲水嘔者

柴胡湯不中與也食穀者噦

得病六七日脈遲浮弱惡風寒手足溫則邪在半表

半裏未為實醫反二三下之虛其胃氣損其津液邪蘊於裏故不能食而脇下滿者胃虛為熱氣熏蒸發於面目及身故必黃也頸項強者表仍未解也小便難者內之津液雖本柴胡湯證然以裏虛下焦氣澁而小便雖若與柴胡湯又走津液後必下重也不因飲水而嘔者柴胡湯證若本因飲水而嘔者水停心下也金匱要略曰先渴却嘔者為水停心下此屬飲家飲水者水停而嘔食穀者物聚而噦皆非小柴胡湯所宜二者皆柴胡湯之戒不可傷寒四五日身熱惡風頸項強脇下滿手足溫不識也

而渴者小柴胡湯主之

身熱惡風頸强者表未解也脇不滿而渴者裏不和也邪在表

則手足通熱邪在裏則手足厥寒今手足溫者知邪在半表半裏之間也與小柴胡湯所以解半表半裏之邪

傷寒陽脉濇陰脉弦法當腹中急痛者先與小建中湯

不差者與小柴胡湯主之

陽脉濇陰脉弦而腹中急痛者當作裏有虛寒治之與小

建中湯溫中散寒若不差者非裏寒也必由邪氣之裏裏氣不利所致與小柴胡湯去黃芩加芍藥以除傳裏

邪之

小建中湯方

桂枝

三兩去皮
味辛熱

甘草

三兩炙
味甘平

大棗

十二枚擘
味甘溫

芍藥

六兩味
酸微寒
生薑
二兩切
膠飴
一飴味

建中者建脾也內經曰脾欲緩急食甘以緩之膠飴大棗甘草之甘以緩中也辛潤散也榮衛不足潤以散之桂枝生薑之辛以行榮衛酸收也陰氣不和芍藥之酸以和陰氣

右六味以水七升煮取三升去滓內膠飴更上微火消解溫服一升日三服虛嘔家不可用建中湯以甜故也

傷寒中風有柴胡證但見一證便是不必悉具

柴胡證是邪氣

在表裏之間也或胸中煩而不嘔或渴或腹中痛或脇下痞鞭或心下悸小便不利或不渴身有微熱或欬但

見一證便宜與柴胡湯治之不必待其證候全具也 凡柴胡湯病證而下之若柴

胡證未罷者復與柴胡湯必蒸蒸而振却發熱汗出而

解

邪在半表半裏之間為柴胡證未作裏實醫便以藥下之若柴胡證仍在者雖下之不為逆可復與柴胡

湯以和解之得邪氣外越外作蒸蒸而熱先經下裏氣虛邪氣欲出內則振振然而却也正氣勝陽氣生復發熱汗出傷寒中風五六日往來寒熱胸脇苦滿默默不

而解也

飲食心煩喜嘔或胸中煩而不嘔或渴或腹中痛或脇

痞鞭或心下悸小便不利或不渴身有微熱或欬者與

小柴胡湯主之

病有在表者有在裏者有在表裏之間者此邪在表裏之間謂之半表半裏證

五六日邪氣在表傳裏之時或傷寒至五六日或中風至五六日而往來寒熱者即是非傷寒又中風也傷寒中風俱有柴胡證俱見一證便是不必悉具正是謂或中風或傷寒也邪在表則寒邪在裏則熱今邪在半表半裏之間未有定處是以寒熱往來也邪在表則胸腹不滿邪在裏則胸腹脹滿今止言胸脇苦滿知邪氣在表裏之間未至于胸腹脹滿也默默靜也邪在表則呻吟邪在裏則煩悶內經曰陽入之陰則靜默默者邪方自表之裏在表裏之間也邪在表則能食邪在裏則不能食不欲食者邪在表裏之間未至于必不能食也邪在表則不煩不嘔邪在裏則煩滿而嘔心煩喜嘔者邪在表方得裏也邪初入裏未有定處則所傳不一故有或為之證有柴胡證但見一證便是故有或為之證云

小柴胡湯方

柴胡

半觔味辛微温

黃芩

三兩味苦寒

人參

三兩味甘温

甘草

二兩味甘

平

半夏

半觔洗味辛温

生薑

三兩切味辛温

大棗

十二枚擘味甘温

內經曰熱淫於內以苦發之柴胡黃芩之苦以發傳邪之熱裏不足者以甘緩之人參甘草之甘以緩中和之氣邪牛入裏則裏氣逆辛以散之半夏以除煩嘔邪牛在表則榮衛爭辛甘解之薑棗以和榮衛

右七味以水一斗二升煮取六升去滓再煎取二升

温服一升日三服後加減法

若胸中煩而不嘔去半夏人參加枳實一枚

胸中煩而

不嘔熱聚而氣不逆也甘者令人中滿方熱聚無用人參之補辛散逆氣既不嘔無用半夏之辛治熱宜用寒療聚宜苦括萎實若渴者去半夏加人參合前苦寒以泄胸中之蘊熱

成四兩半括萎根四兩

半夏燥津液非渴者所宜人參甘而潤括萎根苦而涼徹

熱生津二物為必當之藥也

若腹中痛者去黃芩加芍藥三兩

去黃

芩惡寒中加芍藥以通壅

若脇下痞鞭去大棗加牡蠣四兩

甘能令人

滿痞者去大棗之甘鹹以與堅鞭者加牡蠣之鹹

若心下悸小便不利者去

黃芩加茯苓四兩

飲而水畜不行為悸小便不利內經曰腎欲堅急食苦以堅之腎堅

則水益堅故去黃芩味淡滲泄為陽茯苓甘淡以泄伏水之藥也

若不渴外有微熱

者去人參加桂三兩覆微取汗愈

不渴者裏和也故去人參外有熱表

未解也故加桂枝以發汗

若欬者去人參大棗生薑加五味子半

升乾薑二兩

欬者氣逆也甘則壅氣故去人參大棗內經曰肺欲收急食酸以收之五味子

之酸以收逆氣肺寒則欬溫以辛熱故易生薑以乾薑之熱也

傷寒醫下之續得下利清穀不止身疼痛者急當救裏後身疼痛清便自調者急當救表救裏宜四逆湯救表

宜桂枝湯

傷寒下之續得下利清穀不止身疼痛即當救裏者以裏氣不定必先救裏急用四逆湯

得清便自調裏氣已和然後急與桂枝湯以救表身疼痛者表邪也內經曰病發於不足標而本之先治其標

後治其本此以裏寒為標外邪為本也

病發熱頭痛脉反沉若不差身體

疼痛當救其裏宜四逆湯

發熱頭痛表病也脉反沉者裏脉也經曰表有病者脉當

浮大今脉反沉遲故知欲愈也是表病而得裏脉則常差若不差是為內虛寒甚也宜四逆湯以救其裏

太

陽病先下之而不愈因復發汗以此表裏俱虛其人因

致冒冒家汗出自愈所以然者汗出表和故也裏未和

然後復下之

冒者鬱也下之則裏虛而亡血汗之則表虛而亡陽表裏俱虛寒氣怫鬱其人因致

冒金匱要略曰亡血復汗寒多故令鬱冒汗出則怫鬱之邪得解而冒愈又曰冒家欲解必大汗出汗出表和

而裏不和

然後下之 太陽病未解脉陰陽俱停必先振慄汗出而

解但陽脉微者先汗出而解陰脉微者下之而解若欲

下之宜調胃承氣湯

脉陰陽俱停無偏勝者陰陽氣和也經曰寸口關上尺中三處大小浮

沉遲數同等此脉為陰陽和雖劇當愈今陰陽既和必先振慄汗出而解也如陽脉微者陽不足而陰有餘也經曰陽虛陰盛汗之則愈陰脉微者陰不足而陽有餘也經曰陽盛陰虛下之則愈是也太陽病發

熱汗出者此為榮弱衛強故使汗出欲救邪風者宜桂

枝湯

太陽中風風併于衛則衛實而榮虛榮陰也衛陽也發熱汗出陰弱陽強也內經曰陰虛者陽必湊

之故時發熱而汗出與桂枝湯解散風邪調和榮衛

傷寒醫以丸藥大下之身熱

不去微煩者梔子乾薑湯主之

丸藥下之不能除熱但損正氣邪氣乘虛於胸

中而未入深者則身熱不去微煩與梔子乾薑湯吐煩和裏

梔子

十四枚擘
味苦寒

乾薑

三兩
味辛熱

苦以湧之梔子之苦以吐煩
辛以潤之乾薑之辛以和裏

右二味以水三升半煮取一升半去滓分二服溫進

一服得吐止後服凡用梔子湯病人舊微瀉者不

可與服之

病人舊微瀉者裏虛而寒在下也雖煩則非蘊熱故不可與梔子湯內經曰先瀉而

後生他病者治其本必且調之後乃治其他病

太陽病發汗汗出不解其人仍發熱心下悸頭眩身脰

動振振欲擗地者真武湯主之

發汗之後仍發熱者邪氣未解也心下悸頭眩

身憊動振振欲擗地者汗出亡陽也裏虛為悸上虛為眩經虛為身憊動搖振擗與真武湯溫經復陽

真武湯方

茯苓

三兩味甘平

芍藥

三兩味酸微寒

生薑

三兩切味辛熱

白朮

二兩味甘

溫

附子

一枚炮去皮破八片味辛熱

右五味以水八升煮取三升去滓溫服七合日三服

咽喉乾燥者不可發汗

津液不足也

淋家不可發汗發汗必

便血

膀胱裏熱則淋反以湯藥發汗亡耗津液益增客熱膀胱虛燥小便必血

瘡家雖身疼

痛不可發汗發汗則瘥

表虛熱聚則生瘡瘡家身疼如傷寒不可發汗發汗則表氣愈

虛熱勢愈甚熱甚生風故變瘥也

衄家不可發汗汗出必額上陷脉急

緊直視不能眴不得眠

衄血上焦亡血也若發汗則上焦津液枯竭經絡乾澀故額上

陷脉急緊諸經脉皆屬于目筋脉急緊則牽引其目故直視不能眴眴合目也針經曰陰氣虛則目不能瞑亡

血為陰虛是亡血家不可發汗發汗則寒慄而振鍼經曰奪

血者無汗奪汗者無血發汗則陰陽俱虛故寒慄而振振汗家重發汗必恍惚心亂

小便已陰疼與禹餘糧丸

汗者心之液汗家重發汗則心虛恍惚奪汗者無血故小

便已陰中痛病人有寒復發汗發汗則胃中冷必吐病人有寒則當

溫散反發汗陽氣虛
胃中冷必吐衄也

本發汗而復下之此為逆也若先

發汗治不為逆本先下之而反汗之為逆若先下之治

不為逆

病在表者汗之為宜下之為逆病在裏者下之為宜汗之為逆經曰陽盛陰虛汗之則死下之

則愈陽虛陰盛汗之則愈下之則死藥不得入口為之吐逆發汗亡陽胃中虛冷也若更發汗則愈損陽氣胃氣大虛故吐發汗吐下後虛煩不得眠若劇者必反覆下不止也

顛倒心中懊憹梔子豉湯主之

發汗吐下後邪熱乘虛客於胸中謂之虛

煩熱鬱胸中煩躁鬱悶而不得發散者是也熱氣伏於裏者則喜睡今熱浮于上煩擾陽氣故不得眠心惡熱甚則必神昏是以劇者反覆顛倒而不安心中懊憹而憤悶懊憹者俗謂鵲突是也內經曰其高者因而越之

與梔子豆豉湯
以吐胸中之邪

梔子豆豉湯

梔子

十四枚 擘
味苦寒

香豉

四合 絹裹
味苦寒

酸苦湧瀉為陰苦以湧吐寒以
勝熱梔子豉湯相合吐劑宜矣

右二味以水四升先煮梔子得二升半內豉煮取一
升半去滓分為二服溫進一服得吐者止後服

若氣少者梔子甘草豉湯主之若嘔者梔子生薑豉湯

主之

少氣者熱傷氣也加甘草以益氣嘔者熱煩而氣
逆也加生薑以散逆氣氣少則氣為熱搏散而不

收甘以補之可也嘔者氣為熱搏逆而不散辛以散之可也

發汗若下之而煩熱胸

中窒者梔子豉湯主之

陽氣鬱於胸中發汗若下使陽氣不足邪熱客於胸中結

而不散故煩熱而胸中窒塞與梔子豉湯以吐胸中之邪

傷寒五六日大下之後身

熱不去心中結痛者未欲解也梔子豉湯主之

傷寒五六日邪

氣在裏之時若大下之身熱去心中空者為欲解若大下之後身熱而心中結痛者結胸也身熱不去心中結痛者虛煩也結胸為熱結胸中為實是熱氣已收斂於內則外身熱去虛煩為熱客胸中未結為實散漫為煩是以身熱不去六七日為欲解之時以熱為虛煩傷寒下故云未欲解也與梔子豉湯以吐胸中虛煩

後心煩腹滿起卧不安者梔子厚朴湯主之

下後但腹滿而不心

煩即邪氣入裏為裏實但心煩而不腹滿即邪氣在胸中為虛煩心煩且滿則邪氣壅于胸腹間也滿則不能坐煩則不能卧故不安與
梔子厚朴湯吐煩泄滿

梔子厚朴湯方

梔子

十四枚擘
味苦寒

厚朴

四兩薑炙
味苦溫

枳實

四枚水浸去
穢炒味苦寒

酸苦湧泄為陰梔子之苦以湧
虛煩厚朴枳實之苦以泄腹滿

右三味以水三升半煮取一升半去滓分溫服進一

服得吐者止後服

傷寒腹滿讞語寸口脉浮而緊此肝乘脾也名曰縱刺

期門

腹滿讖語者脾胃病也浮而緊者肝脉也脾病見肝脉木行乘土也經曰水行乘火木行乘土名曰

縱此其類矣期門者肝之募刺之以瀉肝經之勝氣也

傷寒發熱噤嚕惡寒大渴

欲飲水其腹必滿自汗出小便利其病欲解不解者此

肝乘肺也名曰橫刺期門

傷寒發熱噤嚕惡寒肺病也大渴欲飲水肝氣勝也五七

日作大渴欲飲酢漿是知肝氣勝也經曰傷寒欲飲水者愈若不愈者而腹滿是肝氣乘肺水不得行也木行乘金名曰橫刺期門以瀉肝之勝氣使肺氣水散而津液得通外作自汗出內為小便利而解也

太陽

病二日發躁反熨其背而大汗出火熱入胃胃中躁煩

必發讖語十餘日振慄自下利者此為欲解也故其汗

從腰已下不得汗欲小便不得反嘔欲失溲足下惡風
大便鞭小便當數反不數及不多大便已頭卓然而痛

其人足心必熱谷氣下流故也

太陽病二日則邪在表不常發躁反躁者熱氣

行於裏也反熨其背而發汗大汗出則胃中燥火熱入胃胃中燥熱躁煩而譫語至十餘日振慄自下利者火邪勢微陰陽復生津液得復也故為欲解火邪去大汗出則愈若從腰以下不得汗則津液不得通故欲小便不得熱氣上逆而反嘔也欲失溲足下惡風者氣不得通于下而虛也津液偏滲令大便鞭者小便當數經曰小便數者大便必鞭也此以火熱內燥津液不得下通故小便不數及不多也若火邪消津液利則結鞭之大便得潤因自大便也便已頭卓然而痛者先大便鞭則陽氣不得下通既得大便則陽氣下降頭中陽虛故卓然

而痛谷氣者陽氣也先陽氣不通於下之時足下惡風今陽氣得下故足心熱也

太陽病中風

以火劫發汗邪風實也潮熱者被火熱血氣流溢失其

常度兩陽相熏灼其身發黃陽盛則欲衄陰虛則小便

難陰陽俱虛竭身體則枯燥但頭汗出劑頸而還腹滿

微喘口乾咽爛或不大便久則譫語甚者至噦手足躁

擾捻衣摸床小便利者其人可治

風為陽邪因火熱之氣則邪風愈甚迫於

血氣流通失其常度風與火氣謂之兩陽相熱熏灼熱發必發身黃若熱搏於經絡為陽盛外熱迫血上行必

衄熱搏于內者為陰虛內熱必小便難若熱消血氣陽陰俱虛血氣虛少不能榮於身體為之枯燥三陽經絡

至頸三陰至胸中而還但頭汗出劑頸而還者熱氣炎上搏陽而不搏陰也內經曰諸脹腹滿皆屬於熱腹滿微喘者熱氣內鬱也內經曰火氣內發上為口乾咽爛者火熱上熏也火氣上而不下則大便秘不鞭若熱氣下入胃消鑠津液則大便秘故云不大便久則胃中燥實必發譫語內經曰病深其聲噦火氣大甚正氣逆上則噦內經曰四肢者諸陽之本也陽盛則四肢實火熱太甚故手足躁擾捻衣摸牀擾亂也小便利者為火未劇津液未竭而傷寒脉浮醫以火迫劫之亡陽必驚狂起猶可治也

外不安者桂枝去芍藥加蜀漆牡蠣龍骨救逆湯主之

傷寒脉浮責邪在表醫以火劫發汗汗大出者亡其陽汗者心之液亡陽則心氣虛心惡熱火邪內迫則心神浮越故驚狂起卧不安與桂枝以解未盡之表邪芍藥益陰非亡陽所宜火邪錯逆加蜀漆之辛以散之陽氣

亡脫加龍骨牡蠣之澁以固之本草
云澁可去脫龍骨牡蠣之屬是也

桂枝去芍藥加蜀漆龍骨牡蠣救逆湯主之

桂枝

三兩
去皮

甘草

二兩
炙

生薑

三兩
切

牡蠣

五兩
煨
味酸寒

龍骨

四兩
味甘

大棗

十二
枚
擘

蜀漆

二兩
洗
味辛平

右七味以水一斗二升先煮蜀漆減二升內諸藥煮

取三升去滓溫服一升

形作傷寒其脉不弦緊而弱弱者必渴被火者必譫語

弱者發熱脉浮解之當汗出愈

形作傷寒謂頭痛身熱
也脉不弦緊則無傷寒

表脉也經曰諸弱發熱則脉弱為裏熱故云弱者必渴也若被火氣兩熱相合傳於胃中胃中躁煩必發譫語脉弱發熱者得脉浮為邪氣還表當汗出而解矣 太陽病以火蒸之不得汗其

人必躁至六七日不解必清血名為火邪

此火邪迫血而血下行者

太陽病用火蒸之不得汗則熱無從出陰陽俱虛被火必發燥也六日傳經盡至七日再到太陽經則熱氣當解若不解熱氣迫血下行必清血清血也 脉浮熱甚反灸之此為實實以虛

治因火而動必咽燥唾血

此火邪迫血而血上行者也脉浮熱甚為表實醫以脉浮

為虛用火灸之因火氣動血迫血上行故咽燥唾血

微數之脉慎不可灸因火為

邪則為煩逆追虛逐實血散脉中火氣雖微內攻有力

焦骨傷筋血難復也

微數之脉則為熱也。火能除寒，不能散熱，是慎不可灸也。若反灸之，

熱因火甚，遂為煩逆。灸本以追虛而復，遂熱為實。熱則傷血，又加火氣，使血散脉中。氣主响之，血主濡之。血氣散不能濡潤筋骨，致骨焦筋傷，血散而難復也。

從出因火而盛病從腰以下必重而痺，名火逆也。

脉浮在表

宜以汗解。醫以火灸取汗而不得汗，邪無從出，又加火氣相助，則熱愈甚。半身以上同天之陽，半身以下同地之陰。火性炎上，則腰以下陰氣獨治，故從腰以下必重而痺也。

欲自汗者，必當先煩，乃

有汗而解。何以知之？脉浮，故知汗出解也。

煩熱也。邪氣還表，則為煩。

熱汗出而解，以脉浮故為邪還表也。

燒針令其汗，針處被寒核起而赤者，

必發奔豚氣從少腹上衝心者灸其核上各一壯與桂

枝湯更加桂二兩

燒針發汗則損陰血心氣虛針處被寒氣而成核心氣因驚而虛腎氣乘

寒而動發為奔豚金匱要略曰病有奔豚從核上驚發得之腎氣欲上乘心故其氣從小腸上衝心也先灸核上以散其寒與桂枝湯以泄奔豚之氣火逆下之因燒針煩躁者桂枝甘

草龍骨牡蠣湯主之

先火為逆復以下除之裏氣因虛又加燒針裏虛而為火熱所擾故

生煩躁與桂枝甘草龍骨牡蠣湯以散火邪

桂枝甘草龍骨牡蠣湯方

桂枝

二兩去皮

甘草

二兩炙

牡蠣

二兩煨

龍骨

二兩

辛甘發散桂枝甘草之辛甘以發散經中之火邪
澁可去脫龍骨牡蠣之澁以收斂浮越之正氣

右四味為末以水五升煮取二升半去滓溫服八合

日三服

太陽傷寒者加溫針必驚也

寒則傷榮榮氣微者加燒針則血留不行驚者溫針

損榮血而動心血金匱要略曰血氣少者屬於心故驚也

傷寒八九日下之胸滿煩

驚小便不利讞語一身盡重不可轉側者柴胡加龍骨

牡蠣湯主之

傷寒八九日邪氣已成熱而復傳陽經之時下之虛其裏而熱不除胸滿而煩者陽

熱客於胸中也驚者心惡熱而神不寧也小便不利者裏虛津液不行也讞語者胃熱也一身盡重不可轉側

者陰氣內行於裏不榮于表也與柴胡湯以除胸滿而煩加龍骨牡蠣丹鉛收斂神氣而鎮驚加茯苓以行津液利小便加大黃以逐胃熱止譫語加桂枝以行陽氣而解身重錯雜之邪斯悉愈矣

柴胡加龍骨牡蠣湯方

半夏二合洗 大棗六枚 柴胡四兩 生薑一兩 人參一兩

半龍骨一兩半 鉛丹一兩半 桂枝二兩半 茯苓一兩半 大

黃二兩 牡蠣一兩半 半熟

右十一味以水八升煮取四升內大黃切如碁子更煮三沸去滓溫服一升

傷寒十三日不解胸脇滿而嘔日晡所發潮熱已而微利此本柴胡湯下之而不得利今反利者知以丸藥下之非其治也先宜小柴胡湯以解外後以柴胡加芒硝

湯主之

傷寒十三日再傳經盡當解之時也若不解胸脇滿而嘔者邪氣猶在表裏之間此為柴胡湯

證若以柴胡湯下之則更無潮熱自利矣醫反以丸藥下之虛其腸胃邪熱乘虛入府日晡所潮熱熱已而利也潮熱雖為實熱胸脇之邪未解故先與小柴胡湯以解外後以柴胡加芒硝以下胃熱傷寒十三

日不解過經譫語者以有熱也當以湯下之若小便利者大便當鞭而反下利脉調和者知醫以丸藥下之非

其治也若自下利者脉當微厥今反和者此為內實也

調胃承氣湯主之

傷寒十三日再傳經盡謂之過經識語者陽明胃熱也當以諸承氣湯下

之若小便利者津液偏滲大便秘反下利者知醫以九藥下之也下利脉微而厥者虛寒也今脉調和則非虛寒由腸胃虛熱協熱而下利也與調胃承氣湯以下胃熱 太陽病不解熱結膀胱

其人如狂血自下下者愈其外不解者尚未可攻當先

解外外解也但少腹急結者乃可攻之宜桃仁承氣湯

主之

太陽膀胱經也太陽經邪熱不解隨經入府為熱結膀胱其人如狂者為未至於至但不寧也經曰

其人如狂者以熱在下焦太陽多熱熱在膀胱必與血搏若血不為畜為熱迫之則血自下血下則熱隨血出

而愈若血不下者則血為熱搏畜積於下而少腹急結乃可攻之與桃仁承氣下熱散血內經曰從外之內而盛於內者先治其外後調其內此之謂也

桃仁承氣湯方

桃仁

五十粒去皮
炙味甘平

桂枝

二兩去皮
味辛熱

大黃

四兩
芒硝二兩

甘草

三兩
炙

甘以緩之辛以散之少腹急結緩以桃仁之甘下焦畜血散以桂枝辛熱之氣寒以取之熱甚搏血故加二物於調胃承氣湯中也

右五味以水七升煮取二升半去滓內芒硝更上火

微沸下火先食溫服五合日三服當微利

傷寒二三日心中悸而煩者小建中湯主之

傷寒二三日邪氣在

表未當傳裏之時心中悸而煩是非邪氣傳裏所致心悸者氣虛也煩者血虛也以氣血內虛與小建中湯先建其裏使在表之邪不致傳裏而自解也太陽病過經十餘日及二三下之

後四五日柴胡證仍在者先與小柴胡湯嘔不止心下

急鬱鬱微煩者為未解也與大柴胡湯下之則愈

日數過多

屢經攻下而柴胡證不罷者亦須先與小柴胡湯以解其表經曰凡柴胡湯疾病而下之柴胡證不罷者復與柴胡者是也嘔吐者表裏不和也若嘔不止鬱鬱微煩者裏熱也熱結於胃中也與大柴胡湯下其裏熱則愈

大柴胡湯方

柴胡

半觔味辛溫

黃芩

三兩味苦寒

芍藥

三兩味酸微寒

半夏

半升洗味

溫生薑

五兩切味辛溫

枳實

四枚炙味苦寒

大棗

十二枚擘味甘溫

大黃

三兩味

苦寒

柴胡黃芩之苦入心而折熱枳實芍藥之酸苦湧泄而扶陰辛者散也半夏之辛以散逆氣辛甘和也薑棗之辛甘以和榮衛

右七味以水一斗煮取六升去滓再煎溫服一升日

三服一方加大黃二兩若不加大黃恐不為大柴

胡湯也

太陽病當惡寒發熱今自汗出不惡寒發熱關上脉細數者以醫吐之過也一二日吐之者腹中飢口不能食

三四日吐之者不喜糜粥欲食冷食朝食暮吐以醫吐

之所致也此為小逆

惡寒發熱為太陽表病自汗出不惡寒發熱者為陽明證本太陽表

病醫反吐之傷動胃氣表邪乘虛傳於陽明也以關脉細數知醫吐之所致病一二日為表邪尚寒而未成熱吐之則表寒傳於胃中胃中虛寒故腹中飢而口不能食病三四日則表寒已傳成熱吐之則表熱乘虛入胃胃中虛熱故不喜糜粥欲食冷食朝食暮吐也朝食暮吐者晨食入胃胃虛不能消化即知至暮胃氣行裏與

邪氣相搏則胃反逆而
以胃氣尚在止云小逆

太陽病吐之但太陽病當惡寒

今反不惡寒不欲近衣此為吐之內煩也

太陽表病今反吐之傷其

胃氣邪熱乘虛入胃胃為邪熱內煩故不惡寒不欲近衣也

病人脉數數為熱當消

穀引食而反吐者此以發汗令陽氣微膈氣虛脉乃數

也數為客熱不能消穀以胃虛冷故吐也

陽受氣于胸中發汗外虛

陽氣是令陽氣微膈氣虛也數為熱本熱則能消穀客熱則不能消穀因發汗外損陽氣致胃中虛冷故吐也

太陽病過經十餘日心下溫溫欲吐而胸中痛大便反

溇腹微滿鬱鬱微煩先此時自極吐下者與調胃承氣

湯若不爾者不可與但欲吐胸中痛微澹者此非柴胡

證以嘔故知極吐下也

心下溫溫欲吐鬱鬱微煩胸中痛當責邪熱客胃中若大便反澹

腹微滿則邪熱已下於胃也日數雖多若不經吐下止是傳邪亦未可與調胃承氣當與柴胡湯以除上中二焦之邪若曾吐損傷胃氣胃虛則邪乘虛入胃為實非柴胡湯所能去與調胃承氣湯下胃熱以嘔知胃氣先曾動傷也太陽病六七日表證仍在脉微而沉反不結胸其

人發狂者以熱在下焦少腹當鞭滿小便自利者下血

乃愈所以然者以太陽隨經瘀熱在裏故也抵當湯主

之

太陽膀胱經也此隨經入府者也六七日邪氣傳裏之時脉微而沉邪氣傳裏之脉也表證仍在則邪氣

猶淺當結於胸中若不結胸其發狂者熱結在膀胱也
經曰熱結膀胱其人如狂此發狂則熱又深也少腹鞭
滿小便不利者為無血也小便自利者血證諦也與抵當湯以下畜血

抵當湯方

水蛭

三十个熬
味鹹苦寒

蟅蟲

三十个熬去翅
足味苦微寒

桃仁

三十粒
去皮尖

味苦
甘平

大黃

三兩酒浸
味苦寒

苦走血鹹勝血蟲蟲水蛭之鹹苦以除畜
血甘緩結苦瀉熱大黃之苦以瀉結熱

右四味為末以水五升煮取三升去滓溫服一升不

下再服

太陽病身黃脉沉結少腹鞭小便不利者為無血也小

便自利其人如狂血證諦也抵當湯主之

身黃脉沉結少腹鞭小便

不利者胃熱發黃也可與茵陳湯身黃脉沉結少腹鞭小便自利其人如狂者則非胃之瘀熱為熱結下焦而為畜血也與抵當湯以下畜血傷寒有熱少腹滿應小便不利今反利

者為有血也當下之不可餘藥宜抵當丸

傷寒有熱少腹滿是畜血

於下焦若熱畜津液不通則小便不利其熱不畜津液而畜血不行小便自利者乃為畜血當與桃仁承氣抵當湯下之然此無身黃尿黑又無喜忘發狂之証是未至于甚故不可以餘藥下之但與抵當丸小下之可也

抵當丸方

水蛭

三十个

蟅蟲

二十五个

桃仁

二十个

大黃

三两

右四味杵分為四丸以水一升煮一丸取七合服之

晬時當下血若不下者更服

太陽病小便利者以飲水多必心下悸小便少者必苦

裏急也

飲水多而小便自利者則水不內畜但腹中飲多令心下悸金匱要略曰食少飲多水停心下

甚者則悸飲水多而小便不利則水畜於內而不行必苦裏急也

辨太陽脉證并治下第七

問曰病有結胸有藏結其狀何如答曰按之痛寸脉浮

關脉沉名曰結胸何謂藏結答曰如結胸狀飲食如故

時時下利寸脉浮關脉小細沉緊名曰藏結舌上白胎

滑者難治

結胸者邪結在胸藏結者邪結在藏二者皆下後邪氣乘虛入裏所致下後邪氣入裏與

陽相結者為結胸以陽受氣於胸中故也與陰相結者為藏結以陰受之則入五藏故也宜通而塞故痛邪結

陽分則陰氣不得上通邪結陰分則陽氣不得下通是故二者皆心下鞭痛寸脉浮關脉沉知邪結在陽也寸

脉浮關脉小細沉緊者知邪結在陰也陰結而陽不結雖心下結痛飲食亦自如故陰氣乘陽虛而下故時時

自下利陰得陽則解藏結得熱證多則為藏結無陽證易治舌上白胎滑者則胸中亦寒故難治

不往來寒熱其人反靜舌上胎滑者不可攻也

藏結於法當下

無陽證為表無熱不往來寒熱為半表半裏無熱其人反靜為裏無熱經曰舌上如無胎者以丹田有熱胸中有寒今舌上胎滑以病發於陽而反下之熱入因作結表裏皆寒故不可攻

胸病發於陰而反下之因作痞所以成結胸者以下之

太早故也

發熱惡寒者發於陽也而反下之則表中陽邪入裏結於胸中為結胸無熱惡寒者發於

陰也而反下之則表中陰邪入裏結於心下為痞

結胸者項亦強如柔瘕狀下

之則和宜大陷胸丸

結胸病項強者為邪結胸中胸結膈滿心下緊實但能仰不能俛是

項強亦如柔瘕之狀也與大陷胸丸下結泄滿

大陷胸丸方

大黃

半觔味苦寒

葶藶

半升熱味苦寒

芒硝

半升味酸寒

杏仁

半升去皮

大熱黑味

苦甘溫

大黃芒硝之苦寒所以下熱葶藶杏仁之苦甘所以泄滿甘遂取其直達白蜜取其潤利皆以下泄

滿實物也

右四味搗篩大黃葶藶二味內杏仁芒硝合研如脂和散如彈丸一枚別搗甘遂末一錢匕白蜜二合水二升煮取一升溫頓服之一宿乃下如不下更服取下為效禁如藥法

結胸證其脉浮大者不可下下之則死

結胸為邪結胸中屬上焦之分

得寸脉浮關脉沉者為在裏則可下若脉浮大心下雖結是在表者猶多未全結也下之重虛邪氣復結則難

治故云下之則死

結胸證悉具煩躁者亦死

結胸證悉具邪結已深也煩躁者正

氣散亂也邪氣勝正氣病必死

太陽病脉浮而動數浮則為風數則為

熱動則為痛數則為虛頭痛發熱微盜汗出而反惡寒

者表未解也醫反下之動數變遲膈內拒痛胃中空虛

客氣動膈短氣躁煩心中懊懣陽氣內陷心下因鞭則

為結胸大陷胸湯主之若不結胸但頭汗出餘無汗劑

頸而還小便不利身必發黃也

動數皆陽脉也當責邪在表睡而汗出者謂之

盜汗為邪氣在半表半裏則不惡寒此頭痛發熱微盜汗出反惡寒者表未解也當發其汗醫反下之虛其胃氣表邪乘虛則陷邪在表則見陽脉邪在裏則見陰脉邪氣內陷動數之脉所以變遲而脉浮獨不變者以邪氣結胸中上焦陽結脉不得而沉也客氣者外邪乘胃中空虛入裏結于胸膈膈中拒痛者客氣動膈也金匱要略曰短氣不足以息者實也短氣躁煩心中懊憹皆邪氣實熱陽氣內陷氣不得通於膈壅塞心下為鞭滿而痛成結胸也與大陷胸湯以下結熱若胃中空虛陽氣內陷不結于胸膈下入于胃中者遍身汗出則為熱越不能發黃若但頭汗身無汗劑頸而還小便不利者熱不得越必發黃也

大陷胸湯方

大黃

六兩去
皮苦寒

芒硝

一升味
鹹寒

甘遂

六錢七分
味苦寒

大黃為將軍苦以蕩之芒硝一名消石以其鹹以
與堅膚間有水甘遂以通水也其氣直達邪結之

處以導去

熱邪也

右以水六升先煮大黃取二升去滓內芒硝煮一兩

沸內甘遂末溫服一升得快利止後服

傷寒六七日結胸實熱脈沉而緊心下痛按之石鞭者

大陷胸湯主之

病在表而下之熱入因作結胸此不云
下後而云傷寒六七日則是傳裏之實

熱也沉為在裏緊為裏實以心下痛按之實鞭
是亦為結胸不因誤下也與陷胸湯以下結實傷寒十

餘日熱結在裏復往來寒熱者與大柴胡湯但結胸無

大熱者此為水結在胸脇也但頭微汗出者大陷胸湯

主之

傷寒十餘日熱結在裏是可下之證復往來寒熱為邪正分爭未全結裏與大柴胡湯下之但結胸

無大熱者非熱結也是水飲聚於胸脇謂之水結胸周身汗出者是水飲外散則愈若但頭微汗出餘無汗是水飲不得外泄停蓄而不得行也與大陷胸湯以逐其水太陽病重發汗而復下之

不大便五六日舌上燥而渴日晡所有潮熱從心至少

腹鞭滿而痛不可近者大陷胸湯主之

重發汗而復下之則內外重亡

津液而邪熱內結致不大便五六日舌上燥而渴也日晡潮熱屬胃此小有潮熱非但在胃從心下至少腹鞭

滿而痛不可近者是一腹之中上下邪氣俱實也宜大陷胸湯以下其實邪小結胸病在心

下按之則痛脉浮滑者小陷胸湯主之

凡心下鞭痛手不可近者結胸

也正正在心下按之則痛是熱氣猶淺謂之小結胸結胸脉沉緊或寸浮關沉今脉浮滑知熱未深結可與小陷胸湯以除膈上之結熱

小陷胸湯方

黃連

一兩味苦寒

半夏

半升洗味辛溫

栝蒌實

大者一个味苦寒

苦以泄之辛以散之黃連栝蒌實之苦寒以泄熱半夏之辛以散結

右三味以水六升先煮栝蒌取三升去滓內諸藥煮

取二升去滓分溫三服

太陽病二三日不能卧但欲起心下必結脉微弱者此

本有寒分也醫反下之若利止必作結胸未止者四日

復下之此作協熱利也

太陽病二三日邪在表也不能卧但欲起心下必結者心下結

滿卧則氣壅而益甚故不能卧但欲起也心下結滿有水分布有氣分布有寒分今脉微弱知本有寒分醫見心下結而反下之則太陽表邪乘虛入裏利止邪氣留為結胸利不止至于四日後前下利不止者是邪熱下攻腸胃為挾熱利也

太陽病下之其脉促不結胸者此為欲解也

脉浮者必結胸也脉緊者必咽痛脉弦者必兩脇拘急

脉細數者頭痛未止脉沉緊者必欲嘔脉沉滑者協熱

利脉浮滑者必下血

此太陽病下之後邪氣傳變也其脉促者為陽盛下後脉促為陽勝

陰也故不作結胸為欲解下後脉浮為上焦陽邪結而為結胸也經曰結胸者寸脉浮關脉沉下後脉緊則太陽之邪傳於少陰經曰脉緊者屬少陰內經曰邪客於少陰之絡令人噎痛不可納食所以脉緊者必咽痛脉弦則太陽之邪傳於少陽經曰尺寸俱弦者少陽病也其脉循脇絡於耳所以脉弦者必兩脇拘急下後邪氣傳裏則頭痛當止脉細數為邪未傳裏而傷氣也細為氣少數為在表故頭痛未止脉沉緊則太陽之邪傳於陽明為裏實也沉為在裏緊為裏實陽明裏實故必欲嘔脉滑則太陽之邪傳於腸胃以滑為陰氣有餘知邪氣入裏在于下焦也沉為血勝氣虛是為協熱下利浮為氣勝血虛是知必下血經曰不宜下而便攻之諸變

不可勝數
此之謂也

病在陽應以汗解之反以冷水嚙之若灌之

其熱被劫不得去彌更益煩肉上粟起意欲飲水反不

渴者服文蛤散若不差者與五苓散寒實結胸無熱證

者與三物小陷胸湯白散亦可服

病在陽為和在表也法當汗出而解反以

冷水灌之灌洗熱被寒水外劫不得出則反攻其裏彌更益煩肉上粟起者水寒之氣客於皮膚也意欲飲水者有熱也反不渴者寒在表也與文蛤散以散表中水寒之氣若不差是水熱相搏欲傳於裏與五苓散發汗以和之始熱在表因水寒制之不得外泄內攻於裏結於胸膈心下鞭痛本以水寒伏熱為實故謂之寒實結胸無熱證者外無熱而熱悉收斂于裏也與小陷胸湯以下逐之白散下熱故亦可服

文蛤散方

文蛤

五兩
鹹寒

鹹走腎則可
以勝水氣

右一味為末散以沸湯和一錢匕服湯用五合

白散方

桔梗

三分味辛
苦微溫

巴豆

一分去皮心熬
黑研如脂辛溫

貝母

三分味
辛苦平

辛散而苦泄桔梗貝母之苦辛
用以下氣巴豆辛溫用以散實

右三味為末內巴豆於臼中杵之以白飲和服強人

半錢羸者減之病在膈上必吐病在膈下必利不利
進熱粥一杯利過不止進冷粥一杯身熱皮粟不解
欲引衣自覆者若以水濕之洗之益令熱邪不得出
當汗而不汗則煩假令汗已出腹中痛與芍藥三兩
如上法

太陽與少陽併病頭項強痛或眩冒時如結胸心下痞
硬者當刺大椎第一間肺俞肝俞慎不可發汗發汗則
譫語脉弦五六日譫語不止當刺期門

太陽之脉絡頭
下項頭項強痛

者太陽表病也少陽之脉循胸絡脇如結胸心下痞鞭者少陽病也太陽少陽相併為病不純在表故頭項不但強痛而或眩冒亦未全之裏故時如結胸心下痞鞭此邪在半表半裏之間也刺大椎第一間肺俞以瀉太陽之邪肝俞以瀉少陽之邪邪在表則可發汗邪在半表半裏則不可發汗發汗則亡津液損動胃氣少陽之邪因汗於胃土為木刑必發譫語脉弦至五六日傳經盡邪熱去而譫語當止若復不止為少陽邪熱甚也刺期門以瀉肝膽之邪婦人中風發熱惡寒經水適來得之七八日

熱除而脉遲身涼胸脇下滿如結胸狀譫語者此為熱

入血室也當刺期門隨其實而瀉之

中風發熱惡寒表病也若經水不來

表邪入裏則入府而不入血室也因經水適來血室虛空至七八日邪氣內傳入裏之時更不入府乘虛而入

於血室熱除而脉遲身涼者邪氣內陷而表證罷也胸脇下滿如結胸狀譏語者熱入血室而裏實期門者肝之募肝主血刺期者瀉血室之熱

審看何經氣實更隨其實而瀉之

婦人中風七八日續

得寒熱發作有時經水適斷者此為熱入血室必結故

使如瘧狀發作有時小柴胡湯主之

中風七八日邪氣傳裏之時本無寒

熱而續得寒熱經水適斷者此為表邪乘虛入於血室與血相搏而血結不行經水所以斷也血氣與邪氣分爭因致寒熱如瘧而發作有時

婦人傷寒發熱經水適

來晝日了了暮則譏語如見鬼狀者此為熱入血室也

無犯胃氣及上中二焦必自愈

傷寒發熱者寒已成熱也經水適來則血室空

虛邪熱乘虛入于血室若晝日譫語為邪客於府而與陽爭也此晝日明了暮則譫語如見鬼狀是邪不入府入于血室而與陰爭也陽盛譫語則宜下此熱入血室不可與下藥犯其胃氣其脇滿如結胸狀者可刺期門此雖熱入血室而無滿結不可刺期門犯其中焦必自愈者以經行熱隨血去血下已則邪悉除而愈矣所謂無犯上中二焦謂發汗為犯上焦者發汗則動衛氣衛氣出上焦故也刺期門為犯中焦者刺期門則動榮氣榮氣出中焦故也脉經曰無犯胃氣及傷寒六七日發熱上中二焦必自愈豈謂藥不謂針耶

微惡寒支節煩痛微嘔心下支結外證未去者柴胡加

桂枝湯主之

傷寒六七日邪當傳裏之時嘔而心下支結者裏證也法當攻裏乃發熱微惡寒支

節煩疼為外證未去不可攻傷寒五六日已發汗而復裏與柴胡桂枝湯以和解之

下之胸脇滿微結小便不利渴而不嘔但頭汗出往來

寒熱心煩者此為未解也柴胡桂枝乾薑湯主之

傷寒五六

日已經汗下之後則邪當解今胸脇滿微結小便不利渴而不嘔但頭汗出往來寒熱心煩者即邪氣在半表半裏之間為未解也胸脇滿微結寒熱心煩者邪在半表半裏之間也小便不利而渴者汗下後亡津液內燥也若熱消津液則小便不利而渴者其人必嘔今渴而不嘔知非裏熱也傷寒汗出則和今但頭汗出而餘處無汗者津液不足而陽虛於上也與柴胡桂枝乾薑湯以解表裏之邪復津液而助陽也

柴胡桂枝乾薑湯

柴胡

半觔

桂枝

三兩 去皮

乾薑

二兩

枳實

四兩

黃芩

三兩

牡蠣

二甘草二兩
炙

內經曰熱淫於內以苦發之紫胡黃芩之苦以解
在裏之邪辛甘發散為陽桂枝甘草之辛甘以散
在表之邪鹹以與堅牡蠣之鹹以消胸膈之滿辛
以潤之乾薑之辛以固陽虛之汗津液不足而為
渴苦以堅之括藁
之苦以生津液

右以水一斗二升煮取六升去滓再煎取三升溫服
一升日三服初服微煩復服汗出愈

傷寒五六日頭汗出微惡寒手足冷心下滿口不欲食
大便鞭脉細者此為陽微結必有表復有裏也脉沉亦

在裏也汗出為陽微假令純陰結不得復有外證悉入
在裏此為半在裏半在外也脉雖沉緊不得為少陰病
所以然者陰不得有汗今頭汗出故知非少陰也可與
小柴胡湯設不了了者得屎而解傷寒五六日邪當傳
裏之時頭汗出微惡
寒者表仍未解也手足冷心下滿口不欲食大便鞭脉
細者邪結于裏也大便秘為陽結此邪熱雖傳于裏然
以外帶表邪則熱結猶淺故曰陽微結脉沉雖為在裏
若純陰結則便無頭汗惡寒之表證諸陰脉皆至頸胸
中而還不上循頭今頭汗出知非少陰也與小柴胡以
解半表半裏之邪服湯已外證罷而不了了者為裏熱
未除與湯取其微利傷寒五六日嘔而發熱者柴胡湯
則愈故云得屎而解

證具而醫以他藥下之柴胡證仍在者復與柴胡湯此雖已下之不為逆必蒸蒸而振怯發熱汗出而解若心下滿而鞭痛者此為結胸也大陷胸湯主之但滿而不痛者此為痞柴胡不中與之宜半夏瀉心湯主之

傷寒五六

日邪在半表半裏之時嘔而發熱邪在半表半裏之證是為柴胡證具以他藥下之柴胡證不罷者不為逆却與柴胡湯則愈若下後邪氣傳裏者邪在半表半裏則陰陽俱有邪至於下後邪氣傳裏亦有陰陽之異若下後陽邪傳裏者則結於胸中為結胸為陽受氣之分與大陷胸湯以下其結陰邪傳裏者則留于心下為痞為陰受氣之分與半夏瀉心湯以通其痞經曰病發于陽而反下之熱入因作結胸病發於陰而反下之因此作

痞此之
謂也

半夏瀉心湯方

半夏

半升洗

黃芩

乾薑

人參

已上各三兩

黃連

一大兩

棗

十二枚擘

甘草

三兩炙

辛入肺而散氣半夏之辛以散結氣苦入心而瀉熱黃連黃芩之苦以瀉痞熱脾欲緩急食甘以緩之人參甘草大棗之甘以緩之

右七味以水一斗煮取六升去滓再煮取三升溫服

一升日三服

太陽少陽併病而反下之成結胸心下鞭下利不止水漿不下其人心煩太陽少陽併病為邪氣在半表半裏也而反下之二經之邪乘虛而入太陽表邪入裏結於胸中為結胸心下鞭少陽裏邪乘虛下於腸胃遂利不止若邪結陰分則飲食如故而為藏結此為陽邪內結故水漿不下而煩脉浮而緊而復下之緊反入裏則作痞按之自濡但氣痞耳浮而緊浮為傷陽緊為傷陰當發其汗而反下之若浮入裏為陽邪入裏則作結胸浮

不入裏而緊入裏者陰邪入裏則作痞

太陽中風下利嘔逆表解者乃可攻之其人熱熱汗出

發作有時痛心下痞鞭滿引脇下痛乾嘔短氣汗出不

惡寒者此表解裏未和也十棗湯主之

下利嘔逆裏受邪也邪在裏可

以下須待表解者乃可攻之其人熱熱汗出發作有時不惡寒者表已解也頭痛心下痞鞭滿引脇下痛乾嘔短氣者邪熱內蓄而有伏飲是裏未和也與十棗湯下熱逐飲

十棗湯方

芫花

熬

甘遂

大戟

大棗

十枚
擘

辛以散之芫花之辛以散飲苦以泄之甘遂大戟
之苦以泄水水者腎所主也甘者脾之味也大棗
之甘益土而勝水

右三味等分各別搗為散以水一升半先煮大棗肥
者十枚取八合去滓內藥末強人服一錢匕羸人服
半錢溫服之平旦服若下少病不除明日更加服半
錢得快下利後米粥自養

太陽病醫發汗遂發熱惡寒因復下之心下痞表裏俱
虛陰陽氣並竭無陽則陰獨復加燒針因胸煩面色青

黃膚潤者難治令色微黃手足溫者易愈

太陽病因發汗遂發熱惡

寒外虛陽氣邪復不除因復下之又虛其裏表中虛邪內陷傳於心下為痞發汗表虛為竭陽下之裏虛為竭陰表證罷為無陽裏有痞為陰獨又加燒針虛不勝火火氣致胸煩也傷寒之病以陽為主其人面色青膚肉潤動者陽氣大虛故云難治若面色微黃手足溫者即陽氣得復故云易愈

心下痞按之濡

其脉關上浮者大黃黃連瀉心湯主之

心下鞭按之痛脉關沉者實熱

也心下痞按之濡其脉關上浮者為虛熱也大黃黃連瀉心湯以導虛熱

大黃黃連瀉心湯方

大黃

二兩

黃連

一兩

內經曰火熱受邪心病生焉苦入心寒除熱大黃黃連之苦寒以導瀉心下之虛熱但以麻沸湯漬服者取其氣薄而瀉虛熱也

右二味以麻沸湯漬之須臾絞去滓分溫再服

心下痞而復惡寒汗出者附子瀉心湯主之

心下痞者虛熱內伏

也惡寒汗出者陽氣外虛也與瀉心湯攻痞加附子以固陽

本以下之故心下痞與

瀉心湯痞不解其人渴而口燥煩小便不利者五苓散

主之

本因下後成痞當與瀉心湯除之若服之痞不解其人渴而口燥煩小便不利者為水飲內蓄津液

不行非熱痞也與五苓散發汗散水則愈一方惡之一日不飲乃愈者外水不入所停之水得行而痞亦愈也

傷寒汗出解之後胃中不和心下痞鞭乾噫食臭脅下

有水氣腹中雷鳴下利者生薑瀉心湯主之

胃為津液之主陽氣

之根大汗出後亡津液胃中空虛客氣上逆心下鞭痞金匱要畧曰中焦氣未和不能消穀故令噫乾噫食臭者胃氣虛而不殺穀也脇下有水氣腹中雷鳴土弱不能勝水也與瀉心湯以攻痞如生薑以調中益胃也

傷寒中風醫反下之其人下利日數十行穀不化腹中

雷鳴心下痞鞭而滿乾嘔心煩不得安醫見心下痞謂

不盡復下之其痞愈甚此非結熱但以胃中虛客氣上

逆故使鞭也甘草瀉心湯主之

傷寒中風是傷寒或中風也邪氣在表醫反下

之虛其腸胃而氣內陷也下利日數十行穀不化腹中雷鳴者下後裏虛胃弱也心下痞鞭乾嘔心煩不得安者胃中空虛客氣上逆也與瀉心湯以攻痞加甘草以補虛前以汗後胃虛是外傷陽氣故加生薑此以下後胃虛是內損陰傷寒服湯藥下利不止心下痞鞭服瀉

心湯已復以他藥下之利不止醫以理中與之利益甚理中者理中焦此利在下焦赤石脂禹餘糧湯主之復

利不止者當利其小便

傷寒服湯藥下後利不止而心下痞鞭者氣虛而客氣上逆也

與瀉心湯攻之則痞已醫復以他藥下之又虛其裏致利不止也理中丸脾胃虛寒下利者服之愈此以下焦虛故與之其利愈甚聖濟經曰滑則氣脫欲其收也如開腸洞瀉便溺遺失瀉劑所以收之也此利由下焦不

約與赤石脂禹餘糧湯以澁洞瀉下焦主分清濁下利者水穀不分也若服澁劑而利不止者當利小便以分其水

赤石脂禹餘糧湯方

赤石脂

一觔碎味甘溫

禹餘糧

一觔碎味甘溫

本草云澁可去脫石脂之澁以收斂之重可去怯餘糧之重以鎮固之

右二味以水六升煮取二升去滓日三服

傷寒吐下後發汗虛煩脉甚微八九日心下痞鞭脇下

痛氣上衝咽喉眩冒經脉動惕久而成痿

傷寒吐下後發汗則表裏

之氣俱虛其脉甚微為正氣虛邪氣獨在至八九日正氣當復邪氣當罷而心下痞脇下痛氣上衝咽喉眩冒者正氣內虛而不復邪氣留結而不去經脉動傷寒發惕者經絡之氣虛極久則熱氣還經必成痿弱傷寒發汗若吐若下解後心下痞鞭噫氣不除者旋覆代赭湯主之

而和胃

外邪雖解以曾發汗吐下胃氣弱而未和虛氣上逆故心下痞鞭噫氣不除與旋覆代赭湯鎮虛氣

旋覆代赭石湯方

旋覆花

三兩味鹹溫

代赭石

一兩味苦寒

人參

二兩味甘溫

甘草

三兩

半夏

半升洗味辛溫

生薑

五兩切

大棗

十二枚擘

鞭則氣堅鹹味可以與之旋覆之鹹以與痞鞭怯則氣浮重則可以鎮之代赭之重以鎮虛逆辛者散也生薑半夏之辛以散虛痞甘者緩也人參甘草大棗之甘以補胃弱

右七味以水一斗煮取六升去滓再煎取三升溫服一升日三服

下後不可更行桂枝湯若汗出而喘無大熱者可與麻

黃杏仁甘草石膏湯

前第三卷十六證云發汗不可更行桂枝湯汗出而喘無大熱者為

與此證治法同汗下雖殊既不當損正氣則一邪氣所傳既同遂用一法治之經所謂若發汗若吐若下後者是也太陽病外證未除而數下之遂協熱而利利不止心

下痞鞭表裏不解者桂枝人參湯主之

外證未除而數下之為重虛其

裏邪熱乘虛而入裏裏虛協熱遂利不止而心下痞若表解而下利心下痞者可與瀉心湯若不下利表不解而心痞可先解表而後攻痞以表裏不解故與桂枝人參湯和解表裏

桂枝人參湯方

桂枝

四兩去皮
味辛熱

甘草

四兩炙
味甘平

白朮

三兩味
甘溫

乾薑

三兩

味辛

人參

三兩味
甘溫

表未解者辛以散之裏不足者甘以緩之此以裏氣大虛表裏不解故加桂枝甘草於理中湯中也

右五味以水九升先煮四味取五升內桂更煮取三

升溫服一升日再夜一服

傷寒大下後復發汗心下痞惡寒者表未解也不可攻

痞當先解表表解乃可攻痞解表宜桂枝湯攻痞宜大

黃黃連瀉心湯

大下後復發汗則表裏之邪當悉已此乃痞而惡寒者表裏之邪俱不解也因

表不解而下之為心下痞先與桂枝湯以解表表解乃與大黃黃連瀉心湯以攻痞內經曰從外之內而盛於內者先治其外而後調其內傷寒發熱汗出不解心下痞鞭嘔吐而

下利者大柴胡湯主之

傷寒發熱寒已成熱也汗出不解表未和而裏復病也吐利心

腹滿與為裏虛嘔吐而下利心下痞鞭者是裏實也與大柴胡湯以下裏熱

病如桂枝證頭

不痛項不强寸脉微浮胸中痞鞭氣上衝咽喉不得息

者此為胸有寒也當吐之宜瓜蒂散

病如桂枝證為發熱汗出惡風言邪

在表也頭痛項强為桂枝湯證具若頭不痛項不强則邪不在表而傳裏也浮為在表沉為在裏今寸脉微浮則邪不在表亦不在裏而在胸中也胸中與表相應故知邪在胸中猶如桂枝證而寸脉微浮也以胸中痞鞭上衝咽喉不得息知寒邪客於胸中而不在表也千金曰氣浮上即填塞心胸胸中滿者吐之則愈與瓜蒂散以吐胸中之邪

夫盛食填塞於胸中為之窒塞兩寸當主事兩尺脉不見其理安在胸中有食故以吐出之食者物也物者坤

土也是足太陰之號也胸中者肺也為物所填肺者手
太陰金也金主殺伐與坤土傾在於上而旺於天金能
剋木故肝木生發之氣伏於地下非木鬱而何吐出上
焦陰土之物木得舒暢則鬱去矣食塞於上脉絕於下
若不明天地之道無由達此至理水火者陰陽之徵兆
天地之別名也故曰獨陽不生獨陰不長天之用在於
地下則萬物生長矣地之用在於天上則萬物收藏矣
此乃天地交而萬物通也此天地相根之道也故陽火

之根本於地下陰水之源本於天上故曰水出高源故
人五藏主有形之物物者陰也陰者水也右三部脉主
之偏見于寸口食塞其上是絕五藏之源源絕則水不
下流兩尺竭絕此其理也何疑之有重明木鬱達之之
理達造化者能此或曰食盛填塞於胸中為窒也今吐
以去所傷之物去則安胸中者太陰肺之分野木鬱者
遏鬱厥陰肝木於下故以吐伸之以舒暢陽和風木之
氣也此吐乃瀉出太陰之塞所謂木鬱請問其說荅曰

此大神靈之間非既演大道不能及於此天地之間六合之內惟水與火耳火者陽也升浮之象也在天為體在地為用水陰土也降沉之象也在地為體在天為用殞殺之收藏之象也其氣上下交則以成八卦矣以醫者言之則是升浮降沉溫涼寒熱四時也以應八卦若天火在上地火在下則是天地不交陰陽不相輔也是萬物之道大易之理絕滅矣故經言獨陽不生獨陰不長天地陰陽不交會矣故曰陽本根於陰陰本根於陽

若不明根源是不明道故六陽之氣生於地則曰陽本
根於陰以人身言之是六腑之生發長散於胃中上之
中也既陽氣鼓舞萬象有形質之物於天為浮散者也
物極必反陽極變陰既六陽升浮之力在天其力既盡是
陽道終矣所以鼓舞六陰有形之陰水在天在外也上
六無外必歸於下此老陽變陰之象也是五藏之源在
於天者也天者人之肺以應之故曰陰本根於陽水出
高原者是也人之五藏其源在肺肺者背也背在天地

故足太陽膀胱寒水生長其源在中故陰寒自此而降
以成秋收氣寒之漸也降之於成冬藏伏謂六陽在九
泉之下者也故五藏之氣生於死以人身是五藏之氣
收藏沉降之源出於肺氣之上其流下行既陰氣下行
沉降萬化有形質之物皆收藏於地為沉降者也物極
必反陰極變陽既六陰沉降之力在地其力既盡是陰
道終矣是老陰變陽陽乃和上九無位是一歲四時之氣
終而復始為上下者也莫測其紀如環無端具太陽陰

者肺金收降之氣當居下體金反在上抑遏厥陰風木反居於下是不得上升也故曰木鬱故令其吐出室塞有形土化之物使太陰秋肺收於下體浮其木以衰之始上升手足厥陰之木尤氣以伸其舒暢上升之念得其所以又沉金能剋木以土伐之則金衰矣金者其道當降是塞因塞用歸其本矣居於上則遏其木故以吐伸之乃瀉金以助木也徧考內經中說木鬱則達之之義止是食傷太陰有形之物室塞於胸中剋制厥陰木

氣伏潛於下不得舒伸於上此若無異說以六淫有餘
運氣中論之仲景傷寒論云懊惱躁煩不得眠不經汗
下謂之實煩瓜蒂散主之曾經妄汗妄下謂之虛煩梔
子豉湯主之

瓜蒂散方

瓜蒂

一分熬黃
味苦寒

赤小豆

一分味
酸溫

其高者因而越之越以瓜蒂之苦佐以
赤小豆之酸內經曰酸苦湧瀉為陰

右二味各別搗篩為散已合治之取一錢匕以香豉

一合用熱湯七合煮作稀糜去滓取汁和丸散溫頓服之不吐者少少加得快吐乃止諸亡血虛家不可與瓜蒂散

病脇下素有痞連在臍旁通引少腹入陰筋者此名藏

結死

素有宿昔之積結於脇下為痞今因傷寒邪氣入裏與宿積相併使藏真之氣結而不通致連在臍

旁痛引少腹入陰筋而死

傷寒病若吐若下後七八日不解熱結在

裏表裏俱熱時時惡風大渴舌上乾燥而煩欲飲水數

升者白虎加人參湯主之

若吐若下後七八日則當解復不解而熱結在裏表熱者

身熱也裏熱者內熱也今因吐下後邪氣乘虛內陷為結熱若無表熱而純為裏熱則邪熱結而為實此以表熱未罷時時惡風若邪氣純在表則惡風無時若邪氣純在裏則更不惡風以時惡風知表裏俱有熱也邪熱結而為實者則無大渴邪熱散漫則渴今雖結熱在裏表裏俱熱未為結實邪氣散漫熏蒸焦膈故大渴舌上乾燥而煩欲飲數升與白虎湯加人參湯散熱生津

傷寒無大熱口燥渴心煩背

微惡寒者白虎加人參湯主之

無大熱者為身無大熱也口燥渴心煩者當作

陽明病然以背微惡寒為表未罷所以屬太陽也背為陽背惡寒口中和者少陰病也當與附子湯今口燥而渴背雖惡寒此裏熱也其惡寒亦不至甚故云傷寒微惡寒與白虎湯和裏散熱加人參止渴生津傷寒脉浮發熱無汗其表不解者不可與白虎湯渴欲飲水無

表證者白虎加人參湯主之

傷寒脉浮發熱無汗其表不解不渴者宜麻黃湯渴

者宜五苓散非白虎湯所宜大渴欲飲水無表證者乃可與白虎湯加人參湯以散裏熱臨病之工大宜精別

太陽少陽併病心下鞣頸項強而眩者當刺大椎肺俞

慎勿下之

心下痞鞣而眩者少陽也頸項强者太陽也刺大椎肺俞以瀉太陽之邪以太陽脉下項

俠脊故刺肝俞以瀉少陽之邪以膽為肝之府故爾太陽為在表少陽為在裏即是半表半裏證前第八證云不可發汗發汗則譫語是發汗攻太陽而少陽之邪益甚于胃必發譫語此云慎勿下之攻少陽之邪而太陽之邪乘虛入裏必作結胸經曰太陽少陽併病而反下之成結胸

太陽與少陽合病自

下利者與黃芩湯若嘔者黃芩加半夏生薑湯主之

太陽

陽明合病自下利為在表當與葛根湯發汗陽明少陽合病自下利為在裏可與承氣湯下之此太陽少陽合病自下利為在半表半裏非汗下所宜故以黃芩湯以散解半表半裏之邪嘔者胃氣逆也故加半夏生薑以散氣逆

黃芩湯方

黃芩

三兩 味苦寒

甘草

三兩 炙 味甘平

芍藥

三兩 味酸平

大棗

二十枚 擘

味甘

溫

虛而不實者苦以堅之酸以收之黃芩芍藥之苦酸以堅斂腸胃之氣弱而不足者甘以補之甘草大棗之甘以溫補固腸胃之氣

右四味以水一斗煮取三升去滓溫服一升日再夜
一服若嘔者加半夏半升生薑三兩

傷寒胸中有熱胃中有邪氣腹中痛欲嘔吐者黃連湯
主之濕家下後舌上如胎者以丹田有熱胸中有寒是
邪氣入裏而為下熱上寒也此傷寒邪氣傳裏而
為下寒腹中痛上熱也胃中有邪氣使陰陽不交陰不
得升而獨治於下為下寒腹中痛陽不降而獨治於上
為胸中痛欲嘔吐與黃
連湯升降陰陽之氣

黃連湯方

黃連

三兩

甘草

三兩

乾薑

三兩

桂枝

二兩

人參

二兩

夏

牛

大棗

十二枚

枚

上熱者瀉之以苦黃連之苦以降陽下寒者散之以辛桂薑半夏之辛以升陰脾欲緩急食甘以緩之人參甘草大棗之甘以益胃

右七味以水一斗煮取六升去滓溫服一升日三服
夜二服

傷寒八九日風濕相搏身體煩疼不能自轉側不嘔不

渴脉浮虛而濇者桂枝附子湯主之

傷寒與中風家七八日再經之時則

邪氣多在裏身必不苦疼痛今日數雖多身體煩疼不能自轉側者風濕相搏也煩者風也身疼不能自轉側

者濕也經曰風則浮虛脉經曰脉來濇者為病寒濕也
不嘔不渴裏無邪也脉得浮虛而濇身有煩疼知風濕
但在經也與桂枝附子湯以散表中風濕若其人大便鞭小便自利者去桂
枝加白朮湯主之

桂枝發汗走津液此小便利大便鞭為津液不足故去桂加朮

桂枝附子湯方

桂枝

四兩去皮
味辛熱

附子

二枚炮去皮
破八片辛熱

生薑

三兩切
甘辛溫

草

二兩炙
味甘溫

大棗

十二枚擘
味甘溫

右五味以水六升煮取二升去滓分溫三服

風濕相搏骨節煩疼掣痛不得屈伸近之則痛劇汗出

短氣小便不利惡風不欲去衣或身微腫者甘草附子

湯主之

風則傷衛濕流關節風濕相搏兩邪亂經故骨節煩疼掣痛不得屈伸近之則痛劇也風勝則

衛氣不固汗出短氣惡風不欲去衣為風在表濕勝則水氣不行小便不利或身微腫為濕外搏也與甘草附

子湯散濕固衛氣

甘草附子湯方

甘草

二兩炙味甘平

附子

二枚炮去皮破味辛熱

白朮

二兩桂枝二兩

桂枝甘草之辛甘發散風邪而利衛附子白朮之甘溫解濕氣而溫經

右四味以水六升煮取三升去滓溫服一升日三服

初服得微汗則解能食汗出復煩者服五合恐一升多者宜服六七合為妙

傷寒脉浮滑此表有熱裏有寒白虎湯主之

浮為在表滑為在裏

表有熱外有熱也裏有寒邪氣傳裏也以邪未入腑故止言寒如瓜蒂散證云胸中有寒者是也與白虎湯以解內外之邪

白虎湯方

知母

六兩味苦寒

石膏

一觔碎味甘寒

甘草

一兩甘平

粳米

六合味甘平

內經曰熱淫所勝佐以苦甘知母石膏之苦甘以散熱熱則傷氣甘以緩之甘草粳米之甘以益氣

右四味以水一斗煮米熟湯成去滓溫服一升日三服

傷寒脉結代心動悸炙甘草湯主之

結代之脉動而中止能自還者名曰

悸不能自還者名曰代由血氣虛衰不能相續也心中悸動知真內虛也與炙甘草湯益氣虛補血虛而復脉

炙甘草湯方

甘草

四兩炙

生薑

三兩切

桂枝

三兩去皮

生地黃

一觔甘溫

阿膠

二兩 麥門冬

半升去心甘平

麻子仁

半升甘平

大棗

十二枚擘

人參

二兩

補可去弱人參甘草大棗之甘以補不足辛走氣桂枝生薑之辛以益正氣聖濟經曰津液耗散為

枯五藏痿弱榮衛涸流溫以潤之麻仁阿膠
麥冬生地之甘潤經益血以復脉通心也

右九味以清酒七升水八升先煮八味取三升去滓
內膠烱消盡溫服一升日三服一名復脉湯

脉按之來緩而時一止復來者名曰結又脉來動而中
止更來小數中有還者反動名曰結陰也脉來動而中
止不能自還因而復動名曰代陰也得此脉者必難治
結代之脉一為邪氣留結一為真氣虛衰脉來動而不
止若能自還更來小數止是邪氣留結名曰結陰若動
而中止不能自還因其呼吸陰陽相引復動者是真氣
衰極名曰代陰為難治之脉經曰脉結者生代者死此

之謂也

夫太陽病下之不愈其脉浮者為在外汗之則愈宜桂枝湯

夫太陽病發汗已解半日後復煩燥其脉浮散者可復發其汗宜桂枝湯

太陽病脉浮而數者可發其汗宜麻黃湯

太陽與陽明合病而自利宜術附湯

太陽病發汗後腹脹滿者宜厚樸湯

太陽病汗後心下痞滿者宜瀉心湯

太陽病汗出後胃中不和心下痞堅乾噎食臭脇下有
水氣腹中雷鳴而利宜半夏瀉心湯

普濟方卷一百二十七